



情鐵

中華書局印行





# 童子軍 義勇團 組織法

分五角四 冊一全

童子義勇團之法。創自英國。徧及歐美。近吾國學校中亦多有仿行之者。本書根據英國童子軍組織法。及日本今西嘉藏氏英國少年義勇團之組織與教育二書

而成。內容特加增損。務以適於吾國為主。與直譯日文者大有區別。凡關於組

織之方法。訓練之綱要。及鍛鍊身體之要訣。看護救急之技術。無不詳備。近聞軍國民教育。教育部志在必行。此書實組織童子軍者極好之參考書也。

MG  
I245.57  
48  
:1

言情小說

情

鐵

上册

中華書局印行




3 1773 6679 0

# 情鐵上卷

## 第一章

一千八百八十年十月一日。天氣晴明。有少年人。衣獵衣。入至清整。據巨橡之根。而坐。橡樹之陰。直覆愈夏之斜。陂有棕色西班牙之狗。臥於少年坐處。數步之外。纖草之間。目耿耿然。視主人似請示其進止。少年夷猶未決。倚鎗枝於樹幹間。獵囊則擲於溝次。背日光以兩手承其頷。引目四瞭。時路之左。次有叢樹。新薪而更。蘖長者二。年矣。枝幹扶疏。叢發於綠草之上。翦然如小岷。路漸下。漸傾。至於山澗。而止。而草場。遠望可見。滂亞柏村。村間屋頂中。忽突出古教堂之鐘塔。塔爲石制。如遏掩蠟花之銅冒。村右有夏屋一道。渴渠盡藝果樹。有小水一道。名曰鴉伯。而村人竟稱之爲河。實則非河。河穿叢柳而過。柳條下垂。搖曳水次。更遠則有一巨廠。烟甬中紅烟外冒。爲嚴風所振。四散濔廓之中。黑牆一道。繚至山。跌而跌中。多穴。蓋廠中取鐵於是間。

### 第一章



者。穴上多葡萄之樹。以果爲酒。乃盛行於時。名曰慕西。時天色蔚藍。有輕雲一片。如張帆行於海中。萬聲都寂。唯遠遠廠中樵杵之聲。漸漸因風送至樹端。此少年獵人。爲靜景所迷。木然弗動。已而萬景皆渺。蓋心有所思。目中遂無所見。但笑厯微展。追思往昔之歡。而日影亦漸移向樹端。作淡金色。似有一股熱氣自地上升。襲人覺林間靜境。靜益加靜。忽見狗鼻進。觸其膝。二目注視。如有所求。少年曰。汝不耐寂耶。豈少忍。我立行矣。於是太息而起。懸獵囊於身。荷鎗。超過小溝。入叢樹中。獵狗已奔竄草間。忽止於荊莽之次。二足拱立不動。如石狗焉。尾則微搖。目光如指示。其主人少年趨進。見巨兔竄出。其行如飛。少年以鎗嚮之。彈出烟散。兔已他逸。少年初不謂異。但悵悵耳。口中言曰。又失却一獸矣。迴視其狗曰。此大不幸事。辜負汝之追逐。忽聞有鎗聲在百步之外。發於林間。一分鐘後。林間有窸然之聲。枝開有壯士衣獵衣。吉莫靴。破冠。趨出林外。一手執鎗。一手執兔。卽此少年所逐者。少年進而笑語曰。君大有幸。壯士曰。然則發鎗者足下耶。少年曰。然。吾乃無能。此兔出我胯下。吾於二十步

內以鎗擬之。乃不中。壯士不屑曰：「此大非佳。顧足下何由行獵於此？」少年微駭曰：「獸人之行獵於此，固有權力。」壯士曰：「否。吾知此樹屬於諦學白黎。勿論何人，均不許涉足其地。」少年傲然曰：「卽鐵廠中主人乎？鄙人乃不知身犯其地，或誤至耳。然則足下卽爲主人守護之壯士乎？」壯士不卽答。但問曰：「足下何人？」少年曰：「吾爲布利埃侯爵。請足下信我生平萬不犯人禁地。」侯爵語後，壯士大慚，鞠躬言曰：「侯爵恕我果知侯爵至此，吾決不進。問今請侯恣獵。吾行矣。」方壯士語時，侯爵視其面甚審。此人固粗笨且衣敝服。然狀至魁偉，黑髭繞頰，精神靈警。兩手至白，肩上所佩之鎗，機關至美。惟英倫中方有此製。侯爵曰：「謝君見愛，惟吾無分識諦學白黎。但知其人非善鄰。鄙人頗與交惡，決不再至此間。更發一鎗。吾昨日至布利埃初，不識路，願行獵之。與乃引吾出此界綫之外。今不更履是間矣。」壯士曰：「聽侯所爲，惟諦學白黎之爲人，吾敢代之剖白。其見惡於侯者，殆不得已也。此人近布利埃之地，蓋爲開礦。聞其人必有所償，使侯稱意。且笑曰：「天下鄰居之界域，原不能了了。想侯亦當知之。侯旣不識其

人幸勿爲求全之責。想侯一猛省，必知立論之苛。侯爵聞言，卽曰：君得毋爲廠主之朋友乎？或爲廠中之人，不然何斤斤爲之辯白不已？壯士曰：侯甚明，此不易理也。已而亂以他語曰：侯在兩鄉之間行獵，似不留意，惟誦學白黎之爲人好勝，果聞侯於其所轄之地行獵，不得一禽，必且大怒。今請侯收此一兔，並此小竹雞四。侯爵曰：是決不能必強我者。我決無歡。壯士曰：縱侯不歡，吾必相強。今請擲此物於溝次。侯若不屑，亦聽侯所爲。吾意殆爲狐狸福耳。今日幸得與侯爲禮，遂鞠躬疾步入林而去。侯爵呼曰：先生而壯士已瞥不之見。少年曰：奇哉！我將何爲？忽見西班牙之狗走，啣小竹雞上其主人。侯乃大笑曰：汝固不欲空囊而歸也。遂攜此兔，並四竹雞款步自歸。布利埃之邸第，制本魯意十三時中爲正屋，展出兩翼，石製雜之以磚，兩翼瓦上突出烟甬，雕刻作花縷。屋前有廣場，長可五百尺，其旁夾以沙石，闌干作粉霞色，分爲數小道，前趣有階八級，其下中空，夾階有闌干花蔓，生其上。遊人以手按之，香氣留於指掌間。屋固面北，當秋末之時，曠爽宜人，引目遠盼，百景呈露，屋處山上，與滂

亞伯村相望。周圍皆花樹。廣可三萬尺。勢下趨。至谷而止。自有諦學白黎之廠。適當其衝。風景遂殺而幽靜之境。亦生俗喧。然屋在萬綠之中。終不能奪其雅。惟屋曠不居。侯爵之父年二十時。已承受此巨產。乃移居巴黎。不居故第。每當獵季。始還舊居。至三月之久。每侯爵一歸。用至揮霍。村人每當冬季。恆得餘羨。一千八百四十年時。滂亞伯村人爲社會黨所訂。乃爭往掠取侯爵之家。此所以報侯爵平日待彼之宏厚也。顧來劫時。或叉或刀。首揭國旗。唱國歌。爭入布利埃之邸第。守園者堅閉其闌。村人毀而入之。劫掠盡其所有。其不能取者。則搗而碎之。村人中有識地窖者。遂蜿蜒取道入窖。得酒飲之。侯爵儲酒富。而村人又素藝葡萄。識酒之良。樛人人露。醉爭入花窖之中。踐其花樹。碎其大理石之盃。中有石象高立於草地間。其下有石跌。更遠有小水流入石澗中。時有醉人將以刃斫石象之面。復有一醉人斗立於象前。言曰。吾生平最愛美術。孰敢割刃此石象。吾卽以叉洞其胸。已而石象得免。然尙欲自洩其憤。則思立一自由之樹。遂取園中白楊。纏以紅布。樹之草場之中。彼此歡呼不



已復下地。嘗狂飲。至於天暮。明日。卽有兵至。秩序幸復。侯爵聞狀。則大笑。蓋在村間。爲善非一。乃得此酬報。然侯爵百無所怒。所怒者。立自由之樹於廣場之中心。似此侮弄之惡作劇。大傷忠厚。卽令園下伐其樹。而薪之。載歸巴黎。用資鑪火。乃以五百佛郎。賜保護石象之人。且以人語村人。謂此仇必復。且終身不至布利埃矣。侯爵既不至。村人每年歲入。短至二萬佛郎。卽請里長與侯爵言和。作誓書。請工部局發押。侯爵終不之顧。於是布利埃之屋。乃久閉。夫以巴黎之繁夥。本足爲侯爵留戀之端。巴黎中有劇場。有運動場。中多美人。雖無怨恨。布利埃之心。已足以羈縻。貴胄。況與村人有仇邪。時繁華之時。已過。侯爵遂謀娶婦。夫人爲備冷宜。公爵之女。性既溫和。人尤沈肅。且尊禮侯爵。偶有小失。咸加包容。侯爵者揮霍自如。一溺所歡。較其性命爲重。深於仁而薄於財。尤欲體恤夫人之意。惟狂態作時。乃使夫人驚訝。矚目。迨一悔悟。復又痛哭。引過警。如前。一日。行事有過。明日。夫人諫之。則淚含於睫。力親其夫。人之腕。謝罪。引咎。稱之爲聖。而越日。又不省記矣。蜜月之遊。直遊衍至三年。不歸。願

以盛富極貴之侯爵。以三年爲一月。固亦非多也。旋生二子。一子一女子。曰倭其打。女曰克藜。母氏一力鞠之長成。子生而端正。似爲美才。女頗嬌。慕果婿家。爲其所愛。者福乃不翅。願造物之設施。至奇。男肖其母。性質和平。女肖其父。舉動躁烈。恆言學力能挽性情。此女雖力學。而性仍弗改。二子既長。倭其打仍如其幼穉時。克藜則驕蹇無匹。完其初性。已而有同伴。至則母氏之猶子。爲女之中表。以重喪之故。來依姑氏。公爵壯年喪偶。但遺一幼子。公爵自馬上下墜。死於草壟之上。腰膂爲馬所踐。而碎。餘資無多。子曰葛斯唐。父喪既闋。人遂引至姑氏侯爵夫人家。乃與同居。不出此邸矣。外人恆視葛斯唐爲侯爵之第三子。與倭其打克藜同處。夫人鞠育之中而長。葛斯唐年長於二人。生而偉碩。公爵生時遊蕩。初不顧復其子。缺家庭之教育。間入僕廝之中。染其惡習。有時公爵引入廣場之中。與貴遊子弟往來。少既下賤。長尤浮蕩。頗不軌於正。初至布利埃。外貌清瘦。而性理尤乖謬。其在家庭清淨之中。方享人間童孺時之清福。十九歲後。學業粗成。似爲上等社會完全之人物。卽於此時。覺其

表妹克藜。雖少四歲。然非少女矣。克藜此時似仙蝶出繭。翻飛無定。肉作淡黃之色。光氣四騰。睛黑而有精光。流波媚媚。身材修短合度。葛斯唐愛之甚摯。顧藏之中心。二年乃未一洩。適有不幸之事。竟使之不得不言。凡人當愁苦之時。往往易動其心。緒老布利埃侯爵忽爾下世。死時無聲無臭。奄然而泯。委化在於公事之房。方與英國親串構訟。檢取案卷未已。人已僵仆。醫生之診病。好自信。不聽人斥駁。大言稱侯爵癰破而畢命。而同會之友。則搖首太息。謂侯爵與古之摩尼同淫慾過度。遽爾消亡。生人斷不能如侯爵之行。爲縱慾三十五年而無害者。其知之最詳者。則爲列一清單。謂侯爵此遭之死。蓋自食其家產。至於最末之一錢矣。此等傷心之事。大類彈子貫入侯爵之心。其道均可以速死。時家人但縱情而樂。不暇計其暴死之故。其愛敬侯爵有同慈父賢夫。不忍遽舍。夫人極力治喪。雖死者過失叢深。然仍不儉於禮。而倭其扛及其表兄公爵葬侯爵於高原。送者皆古爵歸時。室沈沈幽闇。都無生氣。夫人及女公子則慰勞此三人。遠行治其先人之窀穸。逾時夫入室。閉戶。與其子。

商畧後事。而葛斯唐及克藜則同行圍次。大樹之影蔭可半。時爲至佳之良夜。空氣中飽載花香。而流二人徐行。無語久之。各思所事。忽爾同坐於石上。少遠有仰泉作聲。每聲所發。皆足觸發其心緒者。葛斯唐立時發言似積之久。久而始宣者。謂克藜曰。吾所事之假父。猝爾逝去。苦乃不翅。方寸中感動之思。極力不能遏抑。長日筋搖而脈動。以怯弱之身。重以傷感不禁。淚隨聲落。以首觸克藜之掌。克藜之掌至溫。輒旋又曰。吾終不能忘妹氏父憫之恩意。無論吾生如何。然必使妹氏樂居。吾側吾之愛妹氏至矣。於是言愛者。屢女以手自掩其面。二頰皆絳。徐言曰。吾亦愛兄。葛斯唐大喜若狂。卽呼曰。克藜。克藜女以手近葛斯唐之脣。此卽正式定其婚禮。復自親公爵之額。已而復徐起。彼此互倚。無言徘徊於草場之上。萬靜中似彼此互聽其心者。明日倭其打仍學法律。葛斯唐則入外交部治事。時共和政府已立。而歐西各國視法國行爲頗不寧貼。於是政府稍參用貴族。以安友邦之心。而釋其疑。少年公爵在德加司公事房治事。似後來外交之能事。惟已足勝其任者。人旣聰明。吐屬尤長。

風度至佳。故利於交際。頗受女郎家慈母之歡迎。而葛司唐初不留意。蓋目中所接。苟非克藜。卽似。瞑而無覩。其最愜心之處。則夜間坐觀其表妹之刺繡。燈光映射耳。珥長垂其粉。色之頸。葛司唐默然無聲。心愛其金色之髮。時時幾欲就而親之。以口至十點後。始辭別夫人及妹。氏外出赴會。跳舞至夜半始歸。夏中全家避暑於羅蓋。祇中爲夫人之別業。夫人念夫舊仇。永不涉足於布利埃。葛斯唐在別業中樂極。長日與倭其打克藜。試馬林間。空氣鮮美。夫人則檢取舊時卷帙。冀得柄握。與英人辯訟。蓋夫人本宜得一巨款於其戚。曉之遺囑中。而英人不承有此。於是兩家各延律師。質證曲直。律師者。黠鼠也。一經人延。猶造乳餅之篋。中恣食而不容已。侯爵之訟。以爲分所應爾。婦夫人之訟。則以亡夫盡蕩其產。兩家之生事。全恃此遺金。故亦不能不訟。至夫人私產尙完好。唯足供家用而已。於是爵夫人纏訟久。遂成健訟之家。亦正爲二難之地。勢迫於不能不爭。長日埋頭案卷。且長與律家通書。故條律。咸能歷歷上口。心中自信。此訟必勝。而戚曉中亦皆謂然。且云。果得克藜之青睞。則將

來必得二兆之奩資。於是求婚者衆。皆大家而富碩者。克藜咸力辭。俟夫人愕然問。故克藜乃直言已與葛斯唐訂婚矣。夫人頗不悅。此婚謂中表成婚。於禮已礙。且以特別眼光秤葛斯唐。良非克藜之嘉配。人既輕佻。嗜好復多。苟遂其癡情。幾於致其性命。實無與人偕老之心。夫人尤知其女執拗不可喻之。以理今既決然許諾。縱撓屈以母氏之訓辭。亦終不爲動。夫人者本樂其外家之門望。殆既嫁。從夫之姓。不敢涉及外家。果外家之姓仍存者。則亦深遂其意。因循亦聽其女嫁。備令宜平日固待葛斯唐厚。極今卽移爲半子於禮。亦無可加。但目爲多一男子而已。婚禮未成。而葛斯唐已派爲森彼得堡使館中參贊。衆遂謂待葛斯唐第一假中。立行婚禮。第一假本在六月之後。然假期至短。但能住巴黎八日。以奉公使之命。辦機密事。不欲露之。電報中夫人以八日中斷不能遂成婚禮。且婚帖延賓八日。且不周徧。矧乃大禮。欲咄嗟中成之耶。少年公爵歸時。待克藜固厚。然精警之情已微懈矣。葛斯唐既至俄。乃日與其社會中往還。俄之社會爲世界中最劣者也。葛斯唐沾染既深。歸時乃別。

成性理其發爲面容者亦與性情同易漸漸生出皺紋似額上留痕正示人以在俄中多行不軌之事克藜一不之覺或亦不忍斥其失檢但以深摯之愛情許之亦信少年公爵之決不負已但坐待其婚期葛斯唐行後家書尙密後乃漸稀書中多甜蜜之詞據言心中焦煩乃不遂其新婚之約而獨不言歸期於是悠悠二年夫人爲女兒所泥二年嚴閉廳事不面一容蓋爲此定婚之女深居弗出欲拒絕此妄意請婚之人也倭其打長日治法律夫人亦長日理訟事春日既至克藜忽思至布利埃此地蓋侯爵生時所忌不令兒女涉足者夫人愛女心切不忍重拂遂允至布利埃於是十月中倭其打新得法律學士故荷鎗引狗獵於諦學白黎爲人所遇者是也

第二章

當少年侯爵以兔及竹雞歸時夫人與克藜方靜坐享受晴天之餘景廣牕適當階級日光自外射入覺相片之筐緣金光煥射筐中係侯家之列祖盛服而立器物皆疊意十六時形式加以白聖爲綠色之波紋幕以綉幕中立一短屏圍一安樂之榻

夫人端坐其上。手中執羊羴之帽。織之以賜村中小兒。夫人年髣已四十以外。貌既端整。而又和靄。髮漸垂白。然貴族之儀觀。令人望而生敬。夫人睛作黑色。若含無數幽憂。餘淚未拭者。人既清瘦。故起居至珍衛。此日微暖。尙以氈氍加膝。當此空氣足履。開口之絲履。克藜亦坐高背之榻。以首抵榻背。加其腕於膝。二目凝望空際。然皆未有所見。時經一旬。鐘不言不動。恣日暄曝。而金色之髮似化。奇采如馬利亞聖母頂上之圓光。夫人凝視久之。卽強笑欲言。乃移其羊羴之筐。故作聲以動之。女亦無覺。尙凝情望遠。作緜渺之思。夫人大憂。則舍其女。工作聲呼曰。克藜。克藜。克藜。聞聲閉其目。似與幻想爲別。身亦無動。縮手按榻之左方。呼曰。阿娘。夫人曰。汝何思之深。女無言。微蹙其眉。峯言曰。女無所思。惟今日天氣足以困人。娘呼我何爲。夫人作愛憐之聲曰。吾之呼爾。欲爾發言。勿爲是僵如木偶。於是母女均無言。克藜仍爲愁狀。夫人去其氈氍而危坐。女卽徐徐向其母。作愁容言曰。吾家久久不得森彼。得來書矣。夫人搖首隱示其前知之意。言曰。約兩月矣。女歎曰。兩月耶。夫人力不能支。卽起。



近窗而坐執女之手言曰汝奈何長日用腦力如是之酷女曰女苟不思未婚之夫  
母教兒何思今欲得其久久無書之故安能禁兒不用其腦夫人曰實告汝茲事正  
自難言吾姪少年之公爵於去年相處八日後矢言冬季復歸巴黎始言事集不可  
得歸繼則言冬季已完歸期當以夏季又久乃不歸今已秋深亦不言所以不歸之  
故且不少須其力作數行天外之書卽非疏忽然爲禮悖矣嗟夫吾女方今俗尙日  
瀋吾黨竟不知禮義爲何物夫人引其白頭外望久之無言女曰是人得母病乎於  
是復爲心中人作辨護語曰凡人旣病安能作書與人夫人慨然曰此安得言病果  
病者使館必相聞彼人體旣健碩一冬之間長在俄人社會中跳舞女色立變似身  
中筋絡之血奔赴其心強笑言曰公爵約我以冬至巴黎果其人竟踐此諾女不知  
喜至何限與之並出酬應且樂觀其受社會之歡迎卽彼之視我亦然且此人良無  
妬心今茲或不能不妬以女身所蒞爭迎而媚者滋多卽在此間亦尙有人愛慕如  
此鐵廠之工師亦間至矣夫人曰卽諦學白黎耶女曰然方禮拜日在教堂祈禱母

意專容寂兒卽處母旁乃不知何故忽爾回首視彼隅陬而諦學白黎方伏於榻次夫人曰然則禱耶女曰否彼儵窺我耳兒目適與之觸彼眼光中似有所屬兒卽不再視其人迨出時兒復遇之門次彼未敢以聖水獻我但鞠躬如也兒行後覺此人之目光遠遠注射兒身聞此一年間似此人爲第一次入教堂也夫人遂歸故處坐於溫榻之上神宇極頹倦言曰然則此一著似能度其靈魂升諸天界以我思之彼敢作如此妄想不如以物償我所失之地址吾思此豸之隱衷令人欲笑汝惟無事掛懷乃燭及淵魚我思此等人必有一日以鐵椎振聾吾耳女曰阿娘諦學白黎之對我甚恭非無禮者我亦不能督責於彼惟對母言者以此人之來蓋與彼汶汶而求婚者同一紊亂人言女心多變今公爵不在此保護其所愛之人吾今方處白尼落北之地位專待彼長征不反之人久久乃無消息令人意消想彼葛斯唐必以此心待我我意或不至是請以死待之百折不移吾操夫人曰誤矣設以我爲爾者尙女肅然曰否否兒乃不誤卽兒之所守者亦自無奇不過此心屬於備令宜公爵至

堅耳。夫人勃然曰。汝愛彼乎。汝凡事皆過。乃以童孺之感情。爲深固之愛情。且以親串之係屬。爲金剛之鍊。永永不可自脫得耶。葛斯唐固與爾同長一處。汝以爲不散之筵席。非彼卽喪其倖福者。則此念之差。寧可指數。女呼曰。阿娘。句此時夫人語不能禁。卽乘此機會。一傾吐之。乃厲聲曰。汝屬身於此少年。此少年乃狂佻無倫。汝當知彼有孤另之癖。終身不改。吾靜觀大局。爲汝擔憂久矣。汝又安知吾之隱衷。吾果見爾婚禮之成。吾心至不可耐。女挺然起立。二頰皆赤。彼此互視。久不能言。似更出一言。卽有至大之關係。女顫聲曰。阿娘。此爲娘第一次之訓。我似籌備久矣。示兒以預兆之噩耗。公爵之弗歸。得母有不諱之事。母隱而不言。或別有所聞乎。胡不見告夫人。見其女大有感觸。心爲聳然。知其愛女之待公爵。情愫至深。且固自悔所言之過。當卽曰。吾兒。吾一無所聞。惟吾姪久久無書。不能無妄想也。此少年於外交之事。必不屬意。去其所職甚遠。於是女心釋然。知母氏之不悅。不悅公爵之無書也。然老人責備亦不爲非。正乃卽矯爲鎮定。言曰。阿娘。更少忍。公爵或念吾曹。殆欲於無聲。

無臭中突然歸來令人驚訝亦未可定夫人曰我意亦望其如是然吾尚有姪曰拍爾桑夫婦同日且至至自巴黎彼或知公爵之事較我輩爲詳女曰母試觀廣場間巴西蘭與倭其打同至矣遂起立撇此萬苦之場往迎其兄盈盈自廳事出至光明之地此時女年二十有二正容光煥發之時不惟貌佳卽身材亦窈窕合瘦臂如煖玉直接其肩十指之纖乃媚如皇后髮作金色挽爲椎髻令人望見其頸作粉霞色出時以手按廊次之闌干微攜其囊生之花葉人旣盛年體元壯旺夫人自窗間外視心至愛憐已而微搖其首太息倭其打同客來時履踐沙泥牙牙作聲所言乃不了然廳事中已聞之矣巴西蘭者侏儒也年可六十左右長日鬱於室中故頗頹懦面赤而髮白衣黑衣袖口白緣出可半寸適當手背之上蓋古之公正人也恆心憂貴族之故主其佐布利埃家任事凡數世矣巴西蘭者累葉感爲貴族之律師所遺執照得自魯意十六時其中簽押者皆列侯之名亦經其先祖列押押蜿蜒作蛇形布利埃主人此次之歸巴西蘭喜乃不翅以爲侯家乃不念及故憾方侯未歸時

時慨歎。今欲留侯在此。冀踵其家庭故事。每交夏令。必避暑是間。且欲人知其才幹。遂力助夫人釋英國法庭紛如亂絲之訟事。時已六禮拜。與代訟之人通書。已交庭質矣。意一月有半之力。或敵布利埃家衆十年之功。雖知英廷之訟。結果非良。然夫人則心感其誠。樂其助已。夫人蓋觀此老。在家衆間。非復凡品。則升爲朋友之列。卽禮貌亦處之以平等。巴西蘭是日至別墅。路逢小侯。見小侯所負甚重。遂代取其鎗。挾之腋下。而右手則持篋作黑色。紙滿其中。克藜一見卽呼曰。巴西蘭先生行道微不適乎。巴西蘭趣步登階。脫冠爲禮。恭謹答曰。女公子請受鄙人之禮。吾今日合法律武事爲一矣。女公子不觀吾右手把法律之書。左手執鎗耶。實則洋鎗在左。請以臘下之言釋曰。武臣直讓於文臣。已而曰。女公子似不審臘下言。鄙人乃僞爲博學。殊有媿也。倭其打笑曰。小妹雖未學。然固識先生所言。先生固爲世之善人。請還吾鎗。謝君代力。倭其打既取鎗。遂同巴西蘭歷階而登。克藜橫亘其門。以手探囊曰。今日尙有所得否。倭其打曰。吾不敢以孔雀之羽。自文其黑。此兔及竹雞。非我所鎗而。

得女曰得者何人倭其打曰我乃無知及見克藜駭問卽復曰我實未知也我誤至滂亞伯地卽卽有一人責我爲何人。人旣凶殘。聲尤高抗。自吾一告以名。不惟變色而且貌爲敬恭。乃強我以所獵之品。女曰奇哉。其人爲誰。殆戲兒乎。倭其打曰此人決非戲似。出至誠自與我爲禮。後翻然逸去。至不能使我追還其物。巴西蘭遽問曰侯爵能否容我詢問一言。倭其打曰請恣言之。巴西蘭曰厥狀如何。倭其打曰其人雄偉。面作紫色。冠羊毳之冠。衣粗笨之服。巴西蘭曰然。鄙人知貢此獵品者。決爲諦學白黎。侯爵曰此諦學白黎。耶衣。僞人之衣。厥狀如囚。乃有是理。耶巴西蘭笑曰侯爵當知獵時必變服。吾平時衣冠楚楚。然果一日侯遇我於獵場。當見而笑之。此人決諦學白黎。請侯信我勿疑。侯所語狀固了。了須知我卽不知其人。彼以獵品奉餉。吾亦決其必爲諦學白黎也。無疑。無疑。侯爵曰然則吾卽對諦斥諦且多醜詞。當往謝罪矣。巴西蘭曰無傷也。吾將在太夫人前表白一事。能使侯與諦學白黎之成見立消。侯爵曰可。遂去獵衣。言曰此匠氏似可親。侯爵且言且入室。親其母腕。恭謹

言曰。巴西蘭先生欲晉謁。夫人曰。胡不過入。吾已十分鐘聞爾在廊廡間聚議。言矣。巴西蘭入。巴西蘭鞠躬後。夫人曰。先生曾將佳消息來未。巴西蘭色動。欲答以他語。卽曰。下走却有他項新聞上夫人。今日至滂亞伯見諦學白黎。凡涉兩家界域之意。見一一消除。彼人敬如夫人所命。匪不遵奉。夫人曰。既如是。吾亦不欲苛繩。既不競爭。亦無勝負。今此事悉以付汝。凡汝所定者。吾咸署諾。巴西蘭曰。夫人之剛決。下走至欽佩。無已私心。甚願廠人與夫人不忤。今既承大命。但有簽書草約而已。爲此之故。諦學白黎欲同其妹斯簪爾同來。未知夫人肯假以顏色否。夫人曰。可。吾亦欲觀此鐵匠能力。何以能使全山皆黜。吾意決不爲此條約之故。使爾皮篋中突起。是必英國中訟事文牒亦在。是間試以示我。何如。巴西蘭倉皇答曰。設夫人必欲聞訟事。請以奉白。此時引目視二子。夫人知旨。然心甚憂懣。夫以侯爵夫人。既信任此人。便同家人矣。何必斥去兒女。另有所言。然而夫人者。剛決人也。卽謂倭其打曰。爾且出。問臧獲輩。曾否赴車站迎拍爾桑夫婦。夫人語時。克藜仰首覺異。而倭其打亦心動。

而顛蓋三人中各有所懷。初不言。兄妹相視。強笑。各出門外。克黎徐下台階。忽思巴西蘭詎持公爵之噩耗來也。於是憂從中來。輓輓於腦海中。逡巡於大樹之間。亦不知時之久暫。夫人與巴西蘭同在客堂之中。巴西蘭此時不復頹前之緘默。夫人亦無言。思少得些時之安樂。不欲驟聞噩耗。已遂決然曰。巴西蘭爾何言。巴西蘭搖其白首曰。夫人消息乃未甚佳。下走爲夫人舊人。然心憂此事。先侯在日。與英人構訟。勝算乃不可操。夫人曰。汝乃不以實告。苟有一綫之望。汝必不頹喪至此。吾尙能自支汝儘言之。今英之法庭。讞已定邪。吾訟敗耶。巴西蘭乃無力以應。但憫然爲失望之容。夫人齒齧其唇。目眶中似有晶瑩之淚。未幾卽爲憤火中燒。而涸。巴西蘭神思散亂。往來閒行。禮貌都忘。方寸亦大感動。似在己室。研究一疑事者。已而曰。吾用天太過。此代訟之人。其貪如驢。其寓書於我也。有資卽予我報書。但求一覽。亦非財莫可。設先侯肯聽鄙人者。何以至此。先侯興訟。蓋在巴黎。巴黎之少年律師。其貪亦如驢。但知縱橫作訟詞。貢其便給。烏知大勢。語至此止。以手相撲曰。此爲要害之事。



在布利埃家也。夫人曰：然誠能使彼二雛一敗不復可振。今當克儉十年，方能復其舊觀。巴西蘭神宇少靜，卽恭聽夫人之後命。蓋知此訟事之敗，無復可救。卽上訴亦復無從。先侯在時，事事失計，使敵人得據勝著。故侯家無更勝之望。夫人曰：天下禍事之來，必偶而非單。汝必更有所聞。顧老身健在，可一一言之。因強笑曰：此外決無他事。足傷吾心者，巴西蘭曰：下走亦希冀不至於此。今茲復有所聞，事乃至苦不能更耐。且下走極知夫人之傷心，願失產一節，尙不爲劇烈。夫人顏色慘白，知巴西蘭意中之言。卽曰：先生得備令宜。公爵消息乎？巴西蘭曰：下走承命考察公爵行藏，語時意頗輕藐。蓋巴西蘭歸仰貴族甚摯也。此時忽徑直言曰：夫人所命下走遵率以來，茲探得公爵歸巴黎已六禮拜矣。夫人大驚曰：六禮拜乎？吾家胡再不聞巴西蘭曰：公爵宜告夫人。夫人曰：彼或知吾不幸之事。巴西蘭曰：知之且第一人知之。夫人作顛聲曰：先生言然。此事傷心甚於喪產。今公爵已棄我如遺，久在逆料之中。彼之拳拳者，奄資耳。產敗奄空，胡尙戀我。當此世風傾靡之際，金錢實爲無上上之品。至

於容貌德行聰明皆屏棄不講所謂價值者皆無位置之足言有位置者盛富之人耳嗟夫吾家窶耳宜人之不復吾識巴西蘭靜坐以聽夫人之憤言然中心蓋有所喜殊不能掩耳熱面赤以手相搓言曰夫人所言得毋少過方今勢利之人固多然亦不能舉世而唾之茲尙有人初不勢利以德行容貌門伐爲重意初不在錢也下走在人海中不敢言闊人多但識得一人於願已足夫人爽然曰汝何言巴西蘭曰下走有友人人至殷勤見布利埃女公子顛倒已極且聞布利埃女公子已許公爵遂不敢言果知其有所變則決發言未知夫人肯容此人孟浪進言否夫人引目視巴西蘭曰汝所愜心之人非諦學白黎斐立耶巴西蘭抗聲言曰然夫人曰吾亦知之此人之心思非密乃能使人覺之巴西蘭曰彼惟愛克藜女公子至於顛倒無已惟夫人識斐立未深乃不辨其生平夫人曰老身亦知此間頗重其爲人卽爾與彼亦似大有係屬巴西蘭曰下走曾親見彼兄妹二人之長成彼翁以下走爲友故敢縱膽宣言斐立之心緒願夫人恕我愚妄以下走觀之此友人之子弟固佳所欠者

門。伐。耳。然。此。家。亦。甚。故。方。革。命。後。署。名。恆。不。署。官。伐。則。斐。立。之。姓。氏。亦。何。別。於。貴。族。  
夫。人。愀。然。曰。但。於。此。時。能。自。以。姓。氏。顯。於。當。世。亦。足。云。男。子。矣。試。觀。公。爵。去。克。蔡。已。  
遠。而。此。寒。人。驟。富。乃。轉。求。落。魄。之。故。家。何。其。懸。殊。至。是。汝。今。試。言。之。貴。族。佳。乎。平。民。  
佳。乎。巴。西。蘭。曰。諦。學。白。藜。果。聞。夫。人。之。言。必。且。大。喜。過。望。夫。人。曰。吾。適。所。言。切。勿。語。  
之。是。人。吾。女。決。不。更。易。其。操。以。老。身。觀。之。吾。女。定。以。處。子。終。矣。今。祈。禱。天。主。願。此。兩。  
不。幸。之。事。勿。令。吾。女。聞。而。自。頹。其。軀。巴。西。蘭。無。言。久。乃。曰。果。有。人。許。以。有。是。希。望。則。  
諦。學。白。藜。雖。至。遲。暮。亦。必。守。候。其。人。赤。心。如。鐵。萬。無。中。變。之。時。下。走。詳。觀。夫。人。家。事。  
憂。從。中。來。夫。人。當。知。下。走。承。應。府。中。凡。夫。人。家。所。宜。憂。者。吾。皆。憂。之。矣。今。夫。人。果。聽。  
愚。計。切。不。宜。猝。告。女。公。子。或。且。備。令。官。公。爵。浪。子。有。回。頭。之。日。即。告。之。亦。必。有。時。毋。  
急。急。也。夫。人。曰。汝。言。良。然。惟。吾。子。義。當。告。之。夫。人。語。後。至。廊。次。觀。其。子。倭。其。打。方。塗。  
草。地。靜。待。屋。中。之。會。議。及。見。夫。人。見。招。即。曰。議。已。乎。或。呼。兒。入。室。與。議。夫。人。徐。曰。吾。  
將。告。爾。以。重。大。之。新。聞。此。新。聞。令。我。心。欲。碎。矣。倭。其。打。肅。然。曰。何。事。夫。人。曰。巴。西。蘭。

近得解決之書於英國法律之代表。倭其打曰：訟事乎？夫大曰：然。倭其打乃至夫人之側，引手言曰：事敗矣。夫人見其子聞此，靈耗鎮定如恆，心甚怪之，引目視巴西蘭。意欲問之，見巴西蘭寂然，遂復迴頭視其子。夫人意少舒，似爲其子所感，曰：汝亦預知之乎？倭其打曰：兒固不知，然已料及以母意堅不敢諫，沮蓋早知此訟之必不能直矣。且已豫備此局之輪，惟代小妹惋惜，資一無所出耳。然亦無術，惟母氏所遺與兒者，悉以予妹。兒足自立，母無憂也。夫人聞言大悅，謂巴西蘭曰：今有子如此，吾尚何言？因抱其子親之。倭其打譴然而笑，夫人曰：勇哉兒也。倭其打曰：是焉？僮母之稱道兒愛此妹，如命，苟能使妹安者，兒匪不爲之。惟吾家凌夷如此，而公爵初不以書來，詎與訟事有涉乎？夫人作勢止倭其打不聽之，盡言曰：汝誤矣。公爵初不其打曰：母無憂，葛斯唐苟不踐言，即以吾妹兩手無兩兆之金鏐耳。吾今再引其襟，令之踐諾，則我家爲非人，即使公爵舍吾妹，弗娶，則尙於妹氏爲幸。夫人曰：然。巴西蘭亦曰：果女公子之富不能引貪財之豪家，亦決能致有心之男子。夫人以目止二。

人令勿言巴西蘭初以爲絕大之禍家必鼎沸乃不知如雲過天清喜極匆匆爲禮而去。

第三章

布利埃侯爵於林間所遇蓋縷行獵之人其人果諦學白黎也聽倭其打追還其兔然已竄身荆棘而入口中狂噬作歎美之詞似遇所歡之人於林中如遇天之皇后繞道趨入山谷發步如飛汗落如雨亦不之顧且行且思直入沈瀟心思侯爵果知爲我者則必疑駭所痛斥之隣居其舉動乃如是溫厚或且能進身其間可以平視克藜克藜之笑壓承顙已一一刻入腦中過此似可以與克藜語似目中黑雲翻過卽口亦不能出話意皆爲克藜所攝筋力盡疲又似奔入廳事隅陬中偷視克藜如仙子心中自慶不已以爲倖福已而又自責曰汝爲倖福耶我意此倖福但能遙觀此女郎與他人行婚禮耳備令宜公爵不日必歸夫以絕代麗妹愛此男子安能置若罔聞卽使非公爵者又必有人爲貴族中有名聲有爵位者每至人前入必能

兩臂以抱之。是方足爲克藜之佳偶。若已者平民耳。一見貴人。胡能加以顏色。亦作冷淡之態。屏諸門外而已。思至此。百念都息。遂不赴滂亞伯。直同野獸之穿林。步亦舒緩。摘林葉以兩指碾碎之。自憾不幸。遂至於橡樹之下。以背就樹幹凝思。顏色慘白。淚被於頰。迴溯平日所行之事。能否享受人間之豔福。蓋出身於分科大學。畢業得第一。遂檢取礦務爲之方。爲人派爲工程師。時戰事方肇。乃自投軍中。入翰字營。方軍敗於和老威羅時。卽合殘兵至沙耶戰地。卽色唐之敗。亦在兵間。方戰之初。爲一騎卒所得。顧吾之爲人。豈甘囚拘者。遂於夜中越過德人戰線。入比利時。奔回林慮。復入新招之營。時戰事仍未已。然眼見戰事如毒瘡之潰。且侵且入。卽隨將軍西特至北地。森江唐之戰。彈中其胸。居病院中六禮拜。力與死爭。及稍醒時。聞巴黎爲革命之軍佔據。幸大病新愈。免與鄉人宣力。遂歸其鄉。而胸前已得旌勇之布。此布蓋將軍授諸病院之中者。然尙有一事。較此爲慘者。歸時母已病沒。餘一小妹斯簪爾。剛七歲。乃無管領之人。吾父以事多不能寧家。留此弱女。付一忠僕伺之。吾歸時。

悲。乃不可止。而小。妹之依已如童子。受人放棄。乃依已不離。左右似難中得。三。拯已  
之。人。然已令人哀傷不已。矣。願妹向父之心。與忠僕之左右者。殊落漠。蓋調護此。釋  
妹。非細。意慰貼不可。然又不能不離家。而遠引妹。遂大悲而念母之情。懷復從而生  
幸。爲別未久。六月之後。父亦病沒。於是兄妹日相依爲命。然當摒擋亡父所遺之事  
業。既煩且苦。蓋老父生時。至智攬事多。而不能了。精力已用而盡。譬如甲事粗得其  
益。而乙事旋從而敗。得喪相抵。一無所得。長日萬愁。交集雖以力自支。究竟終有一  
日。爲其所壓。而斃。方父死時。留其不了之事。相貽。幸已所治之事。畧佳。遂粗了亡父  
之事。自趨本分之途。而遺產遂因而空。弱妹之產亦從而罄。此時一無疑慮。遂謝礦  
事。任亡父所遺之事。改治實業。事既紛煩。在果打蘭中有玻璃之廠。厄伯阿尼中尤  
着。化鐵之廠。烏亞中有青石之礦。滂亞伯中有鐵廠。吾既承事。意欲檢攝百事。凡六  
年間。日夕咸用全力。救其失敗之局。所有見金。盡出而彌綸其事。後此稍稍發達。卽  
推以授人。但留此鐵廠自治。又七年中。前此牽纏之事。始大肅清。唯厄伯阿尼化鐵

廠留以佐滂亞伯之鐵廠。以廠中生鐵。付彼廠鎔之。一切失敗之事。全力救護。遂以全力進行。冀其發達。惟該地尙無他忤。或可得選爲議員。似此程度。或足動婦人之憐愛。且當此時會。世界以銀幣爲宗。興思及此。希望漸生。遂行出樹林以外。右方爲草磧。左爲山跌。跌中洞數穴。爲入礦之道。間有一鐵路。趨入山中。而廠與礦之消息遂通。而無梗。斐立此時妄想漸息。乃沿礦路而行。在山阜上有板屋。其上居匠首。邏偵工人之竊出者。斐立行向此屋。遠遠已聞喧嘩之聲。在入廠甬道之側。斐立卽奔入其間。視之時鐵道爲水所衝立圯。中有貨車。翻於道左。而木料縱橫其上。聞車下有童子。爲積板所壓。不能起。而工匠大集。並村間之婦人亦集。中有一婦人。揚手頓足而悲啼。斐立力分衆人而入。呼曰。何事乃爾。此婦人見斐立至。哭聲尤厲。呼曰。諦學白黎先生。吾子若沙各壓於車下。已三刻鐘矣。斐立顧問諸人曰。汝輩將以何法出此童子。中有一匠首指左方曰。近已挖地爲小道。令童子從道中出。若一動而木片下陷。則童子不救矣。婦人曰。前十分尙聞吾子發聲。今乃不聞。天乎。吾子人棄。



汝矣。婦人復大悲而仆於地。斐立擲其鎗授匠人。伏身地上。以首探入板隙之內。童子已無聲響。斐立大呼曰。若沙各爾。聞吾聲乎。卽有嘔息之聲。或斷或續。應曰。主人。天乎。主人至吾生矣。此時童子求生之聲。而斐立大感動。必竭其思。致使此童子不死。卽曰。汝能動乎。童子喘極言曰。不能。吾腕似斷矣。此數語自死。竅中傳之於外。聞者皆爲悲惋。斐立大呼曰。汝無憂。吾必出汝於險。卽起立言曰。汝輩取巨杙來。並丟此中間之立木。匠首曰。立木一去。衆板立覆。今惟以壯士控地道。力拔童子。出一面。以起重之機。振其積板。俾人可攢入。惟爲勢至險。恐其間莫容多人也。斐立曰。無傷也。衆必入救時。各工人咸蠹立不動。斐立曰。設爾同伴之人在其中者。汝輩如何。今汝旣不前。此責歸我。任之。斐立曲其身入諸巨板間。於是衆皆大譁。贊其仁勇。一似斐立。立表以率。衆遂有三人同入。衆亦共力支起積板。萬衆無聲。但聞童子之號咷。聲及入險。諸人呼吸聲而已。數分鐘間。似有數世紀之久。忽有歡悅之聲。哄然騰起。此四人者。周身皆泥。衣服且破。斐立最後出手。挾童子。童子已暈立時。有積壓聲。衆

板皆陷。童子之母立同癩發。且視其子。且與斐立爲禮。此時人聲寂然。環視斐立。及此童子。斐立大悅。曰：將童子歸。且召醫生。趣至。遂起立。整其衣。荷鎗。趣滂亞伯之路。徐歸。此時斐立力救童子之事。一時譁動。斐立垂至其門。見其小妹。隨巴西蘭同行。斯簪爾女郎。見斐立至。趨步銳進。衣整淨之衣。肩上荷傘。時日光不灼。此傘若爲虛撐者。時斯簪爾已十七歲。容貌溫柔。而誠正。二目作棕色。似笑非笑。乃勝於開口而笑。初非甚美。而儀狀却含穉子嬌憨之致。令人生愛。既見其兄。乃荷傘於肩外。爲風所振。如張帆焉。將以兩手抱其兄。頸斐立。令勿前。曰：吾全身皆泥土。汝一前。且立。敗其衣。襦女曰：何傷。吾必親阿兄之額。吾兄至佳。外間凡有善舉。事必屬汝。兄救此童子。吾心慰極矣。於是抱其兄之頸。力親之。而巴西蘭年老足鈍。追女不及。迨至氣喘。咻然喘不已。卽向斐立曰：汝又行一善事矣。斐立笑曰：再勿言此。此何必言。吾所憂者。憂童子傷其肢體耳。斯簪爾以藥箱至其家。果需錢。汝予之。女曰：吾行吾行。是否以波爾石得同往。斐立曰：可。卽謂巴西蘭曰：吾今且歸。此時狀乃如盜。必歸而易。

衣女先歸在積物房中取藥。斐立與巴西蘭同入院中。中有金牛之樹。其下有長方之沼。沼旁花徑縱橫。沼中仰泉上噴。細點下散。爲風所振。而四飛。日光反射。五色爲虹。氣此水本環所居。而過其匯。乃淳。滄於此。鴉伯之水。本自村間先進。引此渠入村。方魯意十三。曾爲閘以塞之。此渠遂涸。渠中淳泥。村人遂加以沃土。遂生果樹。果實又至美。中以梨樹爲多。餘則桃樹。近二百年。果爲村中馳名之貴品。渠旁有小壙。樹卽列行。依於壙外。日光注射地。暖如燠花之窖。冬間峭風亦能入乾。此樹葉屋之廊基。皆用砂石。惟屋多陰涼。之氣以屋頂皆青石。絕地天之通也。斐立但居屋之左翼。餘皆嚴閉。斯管爾年少而能家。而波爾石得九左右之脫。非此三人。則屋多人少。且清寂而頹廢矣。波爾石得爲如舒夏人。能管領三人。每月必刷治家具。三次。家具爲魯意十四程式。陳於客座之間。當波爾石得去牕間套板時。日光射入。乃類劇場上之開幕。發美麗之陳設。中多溫榻。慕以美錦。光色射人。壁間懸巨鏡。收納院中花木。及仰泉之飛噴。與蔚藍之天。波爾石得此時聞客。卽持帚及拂。修治廳事。加以套板。

於是屋中陳設復淪入陰沈之中。其居人之左方。斐立屋於樓下。治事之屋。至宏敞。書櫥高。乃以輪機之梯。旋轉屋中。備登取卷帙。屋中橫巨案。爲治事之席。案上文稿。縱橫無次。有精銅之墨水壺。作二童子格鬪勝者。以葡萄納諸敗者之吻。烟筒之次。有掛鐘。至精巧。烏木爲質。以銅嵌之。治事屋之複室。爲餐堂。案榻皆黎木。爲之雕鏤。極工格。上陳銀器皿。似不經用。其後有小客座。物事皆精巧。而富麗。壁衣以綠繪。爲之中。亦懸一掛鐘。有小案。刻鏤至工。其上有刺繡物。似待斯管爾歸。而竟其工者。壁上。有二象。爲斐立之二親。畫爲和朗坦畫師之高足。所繪畫。乃逾於生平之藝力。第一層樓有二屋。可以相通。其旁。媵以易衣之小室。一爲斐立。一爲斯管爾。所常御者。中有一屋。頗沈肅。加以棕色之幔。器亦烏木。所爲壁上。懸新式之兵械。在羣械中。有行軍之水壺。中貫三空。卽當日滂那爾。戰時之紀念。另有一室。清靜無塵。幔爲碧紗。加以白紗。上爲粉霞之結。凡案皆白。聖作碧波之紋。瑣細之粧飾。品皆女郎屋中。所宜者。自窗外。閒下瞰。見園中之小徑。入諸萬絲之中。想人居其中。宜時時作清夢。

也。斐立既謝去其妹。遂引巴西蘭入治事室中心。知巴西蘭必至。自布利埃。凡巴西蘭每至布利埃。斐立必殷殷垂詢。欲探其狀。然後已。是日巴西蘭似倦不欲言。引目視斐立。斐立挺立其前。若有所問。乃不能更忍。遂曰。先生曾否商諸爵夫人。述地敵之辦法。巴西蘭曰。有之。斐立曰。夫人允我所請乎。巴西蘭曰。夫人允矣。斐立見巴西蘭屢屢作簡語。心滋不懌。卽曰。先生曾否敘及吾贈獵品於小侯。巴西蘭忽引目視斐立曰。獻此獵品何爲者。斐立亦驚曰。是何謂。巴西蘭曰。汝於晨來。顧已自獻之矣。獻之良合於禮。斐立微慚俯首。旣而曰。侯固言與我遇矣。然侯曾知所遇者爲何人。巴西蘭曰。吾已告之矣。能否再語小侯。汝獻此獵品爲其妹乎。斐立曰。吾友巴西蘭曰。汝不承其言乎。且不愛布利埃女郎矣。斐立曰。天乎。此爲吾顛狂之思想。且吾離社會久。何以戀此女郎。且絕美而傲狷。惟其傲狷愈足動人。吾觀其人。日有所思。似懸懸其未婚之夫。去彼殊遠。卽吾亦不自知冒昧。而用其愛。尤未計門伐。距彼奚如。出身之微。遜彼何如。凡人說理之言。與閱歷人之訓。迪懵然無聞。但覺此一縷愛情。

盤旋吾靈府之內歌唱豔曲嗟夫老友吾慚老友矣深憾一無定力不能抑已之嗜  
慾蓋此嗜慾張時能生吾無謂之歡樂又沈沈如洪醉樂不可支所缺者希望耳惟  
此之故吾醒眼尙開不敢妄爲希望此吾以實奉白巴西蘭曰汝不會希望耶愛則  
誠有之在理宜吾婉告夫人斐立喁喁小語曰汝與夫人何言巴西蘭曰吾卽告以  
汝之心緒並舉爾所語我者悉以語夫人斐立聞言退立眼眶似黑齒齧其唇強爲  
恬靜之言曰吾曾否託老友徑告夫人也巴西蘭亦矯而對曰汝固不言而我得機  
倪故不商而徑告天下惟切實爲佳若以汝爲之或一禮拜或逐月及年所謀皆墜  
昏憊之中不如簡捷而出卽不濟事亦可息其妄念在爾觀之吾之所有價值否  
斐立不言但聞巴西蘭之語初不自知一身之在何境但覺腦中輾轉皆情絲環轉  
也又似爲大動力推入曠野之中耳際但有風聲而眼光亦不能一定卽觀物亦如  
隔重霧似腦中有人呼曰克藜後來乃屬汝乎正懵騰間巴西蘭忽曰汝何爲瞠目  
視我爾胸中似有無窮之思斐立以手拭額似拭去妄念卽謂巴西蘭曰先生恕我

汝爲此彌天之大事不預告我我心竟爲之拂亂我觀先生似萬不能成大事吾果預知者必令爾勿言自爾日告爾甚愛布利埃及女郎後續續追悔言之無檢惟人蓄愛於心決不能屈矯其愛情不令人知己亦不能自禁其不應言而言計自語爾之後萬念皆灰似所希冀者決不可至布利埃及女郎初不以眼波屬我並不知人間有我之一人且彼盛富後此卽爲公爵之夫人吾苟妄思其人則我爲無識在法宜受重罰吾亦甘受汝今且質直言之勿隱勿隱巴西蘭曰吾且語爾女郎今不富矣或始終不嫁公爵夫以汝之誠慤足稱良好之機倪足娶此天人也斐立頓變發大歡呼似折其足立顯於溫榻之上言曰先生須慎言勿以絕大之希望授我既授我矣欲祛此望爲事亦大難巴西蘭曰然吾固以希望予汝惟吾一洩漏則侯爵全家敗矣想爾必能自愛而愛我決不輕發此語於人斐立引巴西蘭之手瞪目欲盡其言巴西蘭曰女郎於英國爭產之訟敗矣願女郎初不之知備令宜公爵已至巴黎六禮拜之久而女郎乃不知爲其聘夫所棄苟一日知之則心中必發雷霆人近彼

電火之餘。必可得零丁之雷。屑斐立曰。如此完美之麗人。乃爲人臬負耶。彼具絕代仙姿。何須財產。凡人之重彼者。宜寶其人。非寶產也。巴西蘭曰。然吾卽以爾心。表明於夫人之前。斐立呼曰。佳哉。不惟與夫人言。且宜與女郎言之。忽爾中輟。而失望之意。復萌。卽曰。勿言。勿言。女郎傲而孤高。設心中思及不欲受其夫之惠。則必決棄無疑。逝不我卽。先生今但語夫人。能引我至其邸第。則後此拜受婚約。長跪無辭。惟中心尙欲女郎自以爲富。而仍許我事。乃完美。惟吾之娶彼。能否告以所有之財產。巴西蘭卽曰。汝變節。何速可知。少年與慾望。直燦爛動人。惟爾步驟。須除勿太急急。汝此時但當敬謹其身。無生妄念。所期者。但能望見美人爲已足。尤須鎮靜。不露爲佳。其至必携小妹。則足爲爾之屏風。人方與若妹語。則爾方能隅坐而抑其張皇。斐立大悅。言曰。以何時行。巴西蘭曰。爾以明日行。今茲尙有一夕。足以坐鎮爾之妄念。巴西蘭徐起。挾其皮篋。向門而行。忽復中立。言曰。爾尙怨我。徑遂發言。不得爾之號令乎。且爾慌亂時。亦未問及夫人。何辭見答。斐立呼曰。然然。似在極樂中。復動憂容。



問曰。夫人何言。巴西蘭曰。當此境地。夫人應言其所言者。以門伐言者。不能禁勒。其女勿念。公爵汝。尤當知欲渡。此關不在老母。而在女郎。汝努力爲之。我歸飯矣。於是引斐立之手。始出。斐立獨坐。遁入深沉之境。卽自度其生平。知所操非劣。夫以布利埃女郎。旣爲其夫所棄。勢須蟄伏。此如舒夏別業。數月之月。過其憂媿之景象。此數月間。旣進身其旁。則可以極力貢其誠款。必有一日。得美人青睞。想斯簪爾亦必能助我成事。此暑假後。決不令其入柏孫桑學堂。則斯簪爾將來必與克藜爲密友。藉吾妹和柔之儀觀。溫厚之性情。必能述乃兄之款曲。入諸克藜之心。此時想象。忽幻爲眞實之境。似見綠陰之中。二人携手徐徐而步。彼此交臂。狀如女兄弟。其一頎碩充而凌虛。其一嬌柔溫裕。藹然近人。覺引目之間。似有幽香自遠。而襲己。己爲幽香所襲。方欲引而就之。忽覺有人唇親其額。瞿然立。覺萬境皆寂。而斯簪爾嬌柔之聲。卽其耳際。呼曰。斐立。汝何思之深。斐立仍坐而不言。但有微笑。斯簪爾曰。兄不言耶。我當爲兄言之。兄必潛思一淡黃色至美之女。耶斐立陡立。張手呼曰。斯簪爾。願爲

斯。簪。爾。妙。目。所。視。乃。轉。木。強。如。不。能。言。心。思。吾。女。弟。慧。黠。乃。能。探。人。幽。隱。女。怡。然。曰。兄。痛。發。矣。兄。謂。匿。其。隱。衷。人。必。無。覺。然。今。日。兄。改。常。度。矣。吾。不。必。索。隱。探。微。知。兄。深。情。不。盡。屬。我。然。我。亦。非。妬。以。骨。肉。情。篤。但。見。阿。兄。長。日。癡。立。志。忼。不。寧。非。謂。阿。兄。分。愛。我。之。情。懷。以。與。人。直。防。兄。因。思。成。痼。生。我。憂。慮。耳。嗟。夫。斐。立。妹。受。阿。兄。之。惠。至。矣。少。失。怙。恃。依。戀。阿。兄。飲。食。教。誨。均。吾。兄。任。之。吾。豈。惟。兄。之。小。妹。直。同。愛。女。少。小。以。來。阿。兄。不。知。費。爾。許。苦。心。兄。今。卽。愛。彼。美。並。爲。彼。美。所。憐。妹。觀。之。滋。樂。以。天。下。如。兄。之。美。德。初。無。完。全。之。倖。福。賜。爾。殆。非。天。也。於。是。珠。淚。雙。落。漬。於。斐。立。頰。上。夫。以。女。弟。之。深。情。斐。立。聞。之。迷。惘。如。失。其。魄。以。身。就。煙。箴。之。壁。口。哆。目。瞠。久。不。能。言。既。而。曰。汝。哭。耶。然。則。愛。情。翻。成。苦。趣。乎。卽。復。哽。聲。言。曰。汝。後。此。勿。再。顛。狂。提。及。此。事。女。曰。吾。非。顛。倒。世。間。有。意。嚮。之。婦。人。定。當。愛。汝。因。復。趨。進。曰。果。時。有。可。言。吾。卽。進。而。與。言。曰。女。士。誤。矣。何。由。不。愛。吾。兄。須。知。合。世。界。之。人。較。之。吾。兄。吾。兄。匪。不。過。之。用。敢。吐。其。肝。膽。以。語。女。士。以。我。知。吾。兄。深。而。且。久。吾。言。如。此。兄。以。爲。何。如。必。能。使。是。人。傾。心。於。兄。突。至。

兄前且語兄曰。足下有妹。長於言詞。不能不使我知君之生平佳處也。君能否青睞。屈爲吾夫想兄此時必鞠躬答曰。天乎。吾今必使密斯遂其雅抱。而妹於此時則祈天請命。降福於兄夫婦。兄今聞我言而笑。想中心慰矣。乃進挽其兄之手。斐立此時。若昏若夢。不能拒其妹忠懇之言。而斯簪爾復力挽斐立之臂。言曰。吾已送藥於創人矣。今且同我遊。涉園次。待後來成婚。美滿之一日。

#### 第四章

當六禮拜前。備令宜公爵自森彼得堡。以火車至巴黎。坐於臥車中。神思昏頓。車至後。卽以馬車赴俱樂部。以公爵初無他寓。而姑氏又他適。計不如至俱樂部。俱樂部本有精室。用以延接會員。自決居巴黎八日。俟與部中勾當後。卽以車至布利埃。蓋經年未歸法國。其在俄國中。則以巴黎之生活移入。俄國夫以巴黎之繁麗。較諸俄京。直類以枯澗之石卵。與烏爾沙伯之寶鑽比也。於是司拉夫。敝廬之積習。遂沾染及之。見亞洲柔懦之性質。合歐洲剛強之性質。融而爲一。公爵竟悅其可意。而俄京

貴婦妖豔之態尤足醉人公爵欲識此種婦人之性質是否似埃及人面獅身之獸目光閃爍手爪鋒利甚可畏也公爵者性既聰明又得良教育又爲名門巨伐於是歡迎者衆已而未婚妻之美貌積漸去其腦中似畫師以鉛筆作圖時光與顏色同時而退前此離克藜稍遠如流配貶所思欲長日閉門不外出交遊願使館中公爵爲最年少而衆復譽揚斷不能閉戶如處子然窮居數日適逢長官延飲不能不出乃衣禮服與森彼得堡社會中相見第一夕卽大受貴胄之歡迎且其大父曾與亞圖亞伯爵同避地於俄京與俄人尼西羅芬及巴耶高札高佛數家往還至密於是公爵以大父故交之故並引見俄皇俄皇亦加以優禮俄頃之間此二十五歲之外交家乃籥雲直上矣長官偉其才卽利用公爵勿令外交掣肘葛斯唐者本英偉之器在社會中實爲雋品而政治則非所長逐日宴樂凡機宜之事一無所知在俄國社會中固增一名流而於法國政府中不能得一實力公爵者如遊蜂長日飛度花間初非能釀蜜者卽以蜂論亦直細腰之蜂碧色晶明爲日光映發而照眼實則一

無所用數禮拜中已成爲花叢之蕩子矣。願筋力至動。雖至艱極。苦咸能任之。且能與酒人鬪飲。俄國酒人豪飲傾國。而公爵竟與之方駕齊驅。曾在俄京貴冑俱樂部鬪葉子戲。戲竟名乃大昌。復與博徒鬪。至三日三夜。僅一起運動其肢體而已。而博徒皆靡其勝也。不恃福命而恃精神。彼博徒者。倦而神昏。故因之而勝。又與迷生爾黎園中女優名女西德爾埃者往還。雖俄之貴冑心醉其人。咸中道梗絕。而公爵則情款至篤。一日忽厭此女優。亦不知所謂。殆此優爲情過密。遂爲公爵所棄。此布利埃夫人曾言。公爵爲冬季之英雄。無一勝會。能屏其人在勢。宜得俄人最富之女耶。結姻願女。雖俯就而公爵恬不見異。推之惟恐不遠。以故人之求者。乃益集。蓋公爵血管中所含之性質。不能持久。以愛人數月以來。視女郎如濁物。遇之生厭。欲解此穢。但有縱博。第一次爲葉子戲。卽神與戲合。似爲社會博徒之巨擘。每日晨起。挈巨金歸。面色淡白。腦中如櫻口沫如漬。晨歸就枕。而俄國冬季之天本同薄暮。而公爵亦薄暮始起。以夜爲晨。公爵之晨乃在明燈照耀之時。蓋其人之起居與恆人大特

二年中其見日光僅矣。大類夜遊之鬼蝶。方其蒞俄時。容光滑澤。至是竟樸老見皺。紋雖容儀尙佳。而少年如花之光燄至此一毀。都盡似狂蕩之事。一一排之。眉目之間。前此髮密。今則鬢角亦漸漸稀疏。淺藍之目。今亦深陷。一望知爲蕩人。若令姑氏見之。覲面幾不相識。此時已非靜肅之少年。與姑氏及克藜在老屋廣廳夜話時矣。布利埃女郎固有剛決之性質。類男子會戲呼公爵爲葛斯唐姑娘。今茲溫柔已消。都不肖前時之風韻。竟類兇暴之男子。一切疑慮盡付消融。心所欲行。卽放膽行之。無憚物議。其父遺傳之血本。欲幹蠱爲善。至是血復大沸。備令宜之族。在恩垓時代。爲驕奢淫佚之家風。今日公爵竟能爲先輩之代表。而柔弱之身。乃有武夫之力。較諸祖父弱不勝衣。以粉自飾其手面。至於玩物墜地。乃不能拾。令僕人拾之。偶一出門。以籃輿將之。不令馬背艱辛。葛斯唐每於宜行之地。竟不能一法里。然能行獵試劍舞之不已。爲人所不能任者。力皆勝之。至於縱博。則尤精良。能以思力挽回頹運。所勝之金。乃爲人所未曾聞。如最劣之位。負至無算。一經公爵得之。立見勝著。博局

中雖極敗衄。自公爵一臨。春風立煽。二年中佳運過臻。竟使其人日趨於下流。人咸呼之爲有福之葛斯。唐苟非負有盛名人。幾疑其以詐術取勝矣。充所有財產之餘。屑合近來新得之博進。轉覺揮霍自如。一無潰乏。外出既有良馬。安居復有精室。加以附屬之品。一以華纈爲宗。蕩子排場。不能不如此也。迨一至貴冑俱樂部中。人人咸知此人一至。必有巨博。公爵所作之葉子戲。惟巴加夏及朗司更尼兩種。偶然亦作弼格之戲。弼格之戲。一點一魯意。壓尾尙有一百魯意。博局中有老人那海司動諾者。家資可四十兆。一日與葛斯唐博。輸至三千魯意。老人起立曰。幸不負。當罷局。不爾者。吾必敗北矣。葛斯唐或自戲園。或自宴樂之室出。卽坐冰車。過伯司伯抵街。碾冰而行。擁裘旣厚。喜迎夜風。取其爽氣。以蘇筋力。然後再入博局。至夜午時。精神完足。而同博者精神已罷。而葛如生力之軍。財雄膽巨。慨然入局。坐於燈光之下。狀態從容。勝敗不形於色。在博徒中。乃不能覓此雍容之度。見人或忸怩不進。葛則深鄙不屑。與言有以迷信占勝敗之兆者。葛則聳肩匿笑不已。身處社會。旣久。美婦咸

集而媚之。而皆視若曇花生平所爲。但圖一己之樂。初不省所謂愛情者。外狀不亢。不卑。頰不令人失望。惟生平惡見眼淚。故不欲以涼薄之態加人。獨有一日爲一貴胄夫人所迷。然亦不久舍去。夫人名烏夫海西佛。爲伯爵之妻。髮作淡黃色。爲衆所羨。乃心悅葛斯唐。惟其夫善妬。不聽與人往來。而夫人遂不能接見。葛斯唐卽通書亦非易。然葛斯唐心戀夫人。幾忘其博。凡夫人所至。葛斯唐必至。每與夫人跳舞於伯爵妬眼之中。然終不能作幽約。一日宣言將至墨斯科。遂匿跡於外。兩日卽潛歸伯爵。亦弛其防。夫人乃三至伯爵之家。夫人之車故停至阿勒格司教堂門外。身入教堂。自便門步出。潛至伯爵家。第三次爲其從者所覺。歸告伯爵。伯爵大怒。突至備令宜家。與從者相競。從者爲巴黎人。其狡猾等於馬蜀加海。諾種人。夫人大驚。遂同葛斯唐自後戶出。當此之時。葛斯唐氣力至偉。初不一用。今日乃見其神勇矣。後戶鐵檻本對隣居之院落。於是葛斯唐力屈其鐵條。夫人卽自檻逸出。數秒鐘後。伯爵入。公爵歡笑迎之。伯爵見室中無人。知已冒昧。則再三與之道歉。而出。伯爵含怒於



心然尙不敢質詰其妻。且屢聞人言。遂深信無復疑慮。則圖與公爵決鬪。因亦入俱樂部。與葛斯唐博。伯爵忽厲色曰。吾出局矣。葛斯唐問故。伯爵不承其短。於是忿爭。衆皆言伯爵非理。顧伯爵終不爲屈。乃議決鬪。明日在冰天楓林之下。比槍符號一起。葛斯唐至再精詳。槍發彈中敵人之腹。伯爵殪。諸雪中血斑。雪上伯爵尙偏起發。鎗然血已溢出不止。但能中公爵之肩。不能得其要害。伯爵雖受重傷。然尙能生。葛斯唐六禮拜後亦愈。葛斯唐自受此彈後。事乃大奇。竟將平時百戰百勝之佳運。立時消弔。或流血多而精神退耶。或佳運過時。葛斯唐之心亦倦邪。自是日起。其敗也。乃如水平日堅持之心。遂爾瓦解。博局中所得葉子。凡作劣色者。直戰兢無有把握。雖以巨金置局。乃無必勝之權。亦不能以不動聲色之容。鎮其博徒。手足時時悸動。二目深黑。齒齧其唇。亦漸爲張皇之狀。失其常度。遲明始出局。髮散領開。胸前之飾亦摩研而黑。前此之運。歷階升也。今茲之運。則降階下矣。舊日所得之錢。今亦星散無遺。乃決計舉責於外。且降心卽志。以求人較之前。此揮霍之時。衆皆承迎如帝天。

因之。狷傲無倫。乃不圖竟傾覆其寶座也。既不得錢。博徒待之亦漸漸疏懈。其在人叢中。衆亦不加盼睽。卽伴歡故與之游。人亦無懾之者。當此之時。公爵之博興乃益甚。初不一思。脾輒妄發。似馬師不能調其劣馬。聽之奔放。萬不能馳。至其地中道之。隕至易易也。已而果負千戰不得一勝。罄其所得。皆屬之人。使館公使心憐之。遂以公事令回巴黎。卽決鬪之事。亦久爲公使所聞。意遣去俄京。稍斂其鋒。乃予假三閱月。假非已請。竟得此命。則大悅過望。自知身居俄京。聲名敗裂。欲舍此另圖生事。餘錢但五萬佛郎。卽爲博進之餘。財用旣匱。遂盡易其初志。方其破浪時。初不一及。克藜今茲反本。始及其妻。空中想像。復見布利埃之花廳。燈光下。觀克藜刺繡淡黃之髮。爲燈光映發。作金色。遂迴心以愛克藜。立誓滌其蕩遊之思想。不令生其熱惱。又思先人餘業。蕩滌已空。然克藜尙稱富碩。奩資每年可得十萬磅。則少年夫婦同度時光。想無匱乏。且巴黎所費。輕於聖彼得堡。不至有竭蹶之虞。矧遊蕩時光。此時已過。若每年六閱月。蟄伏不出。積其子金。爲每年冬季之遊資。亦綽有餘裕。公爵此際

心思轉。而性質忽復轉爲溫美。私喜復還少年拘謹之本色。迨火車已至。公爵遂下月台。自慶復至巴黎。因追咎當日去巴黎時。乃心思奮亂。致淪澀濁之地。時已黃昏。公爵自馬車中外。覷覺拉煞伊鶯得之路。既坦且修。夾路皆煤燈。大城中交通。令人心爽。似行道之人。皆輕提如飛。及至孟忒馬。覺得路。則車輛輻輳。公爵之車。遂停御者大呼讓路。而行人至。繞馬首而過。已而道通。車行。沿霍禿義爾得繚垣。過轉入埃勒低路。而官道立見。見馬車續續。似入戲園。婦人豔服。加面紗。似出諸跳舞之場。燈光映射戲臺門外。而騎兵立於路之當心。盔上爲火色所射。閃爍照眼。乃卓立如樹。此地人乃爭集。電光四閃。雖廣道。遼闊。竟爲人影所蔽。作黑色矣。是卽巴黎夜景之圖。佳麗殊無紀極。時公爵馬車已入伯爾之路。逾時至俱樂部矣。下車時。耳中似尙聞鐵軌之聲。而目光已爲電光所奪。人已罷困。遂入室中濃睡。至於遲明始醒。公爵至巴黎未久。其徘徊道上之習慣。久尙未忘。覺在俄京時之黑幕。遂漸銷亡。深以故鄉人物爲美。於是二月中。均心醉巴黎。早暮咸閒步於桑挨利劑路中。或於疎林

之中。及物肆之前。其在馬得蓮街。及孟忒馬覺得路中。徘徊不已。道遇故交。輒脫冠引手爲禮。有時亦至小黎園中。所演劇文。乃非佳。而公爵以故鄉音調。滋以爲美。惟中心樂極。故發之於外。初無憂憫之容。蓋去俄之後。似重囚出獄。凡百可以自由。至與部中交涉。三日已竟。計此禮拜之末日。卽出巴黎。蓋知夫人及聘妻同居布利埃。故不豫白。令母女二人。喜而狂跳耳。中似已聞。母女歡笑之聲。故欲突如其來。以聳動之。是日行伯爾路訪玉匠巴梭。製定婚之戒指。中箝寶石。環以小鑽。工製極巧。自謂持此錦匣戒指。授克藜時。克藜必大喜。發函出戒指泥已。加其指上。指末作玫瑰色。於是大喜。謂此戒指。卽鎖練之環。械我兩人。使之固結者。方臨行之前一夕。自黎園中歸。見俱樂部人多於蠟。異之。問諸侍者。侍者曰。今夕有雅戲。名曰公主求學戲。凡兩下幕。演之者。爲兩名。人一爲西夏昔公爵。爲製曲文。一爲於舒太朗。爲譜樂音。演者爲烏巴海。咽帝戲園中。伯爵扮爲侍從之臣。又調取巴黎倭爾安戲園中名多拍爾者。爲亞律封司。又調取燠那斯戲園中名森西學漫者。爲伯邦司得。又少年伯

爵名太梭海意。爲泰倭黎女脚名於斯里夫人。爲倭當西亞公主。又有斯簪爾拉西爾夫人爲皇后。此時人人咸集伺。卽承應者亦多。觀者同時爭集。欲得便益之處。而廊廡之上。懸魯意十四時壁衣。人聲譁噪中。雜以整衣之聲。此聲並挾脂粉之香。同入耳輪與鼻觀之中。於是公爵亦不歸寢。付外衣於侍者。縮其高冠。亦進身場中。天下固有細末之事。乃足立時。改人之操。持備令宜。公爵不過偶一臨場耳。不圖後此事業一時都燼。堂中電光輝映。而美人滿座。衣服鮮華。在萬豔中。復有玉色照眼者。則美人肩膊也。一時座間扇影如萬翼。齊飛。每有人入時。卽聞有喁喁私語聲。廳之深處。卽爲戲場。有絳幕下垂。沉寂如無人狀。公爵行至青衣座間。有識者數人。廳中有少年律師名挨西貢。可以承受父母巨兆之產。人旣明暢。出語聰穎。迨公爵旣入。此律師愕然結舌不得下。廳中人亦寂然。獨有一老人。髮禿矣。人旣高碩。衣賈人之衣。色赤而耳巨。尙有微髮作黃色。頸上環高領。汗衫飾金鑽之鈕。履缺其前。白襪盡露。微言曰。惜哉惜哉。公爵旣入人叢。與衆爲禮。心中甚疑。堂中人方喁喁作語。今茲

胡乃寂然。又思衆果何爲因吾而寂。此時髮禿老人與公爵之友耳語。其聲頗巨。若故使公爵問之。曰。可否爲我介紹。見此公爵。其友愕然。似不之屑。不得已面葛斯唐言曰。公爵。此爲穆利尼先生。此老人卽曰。鄙人爲實業家。前此曾爲商務裁判所之判事。因與公爵引手。言曰。公爵。吾殊有榮幸。能識尊府之人。吾弱女穆利尼。與公爵表妹布利埃女士同居一女學中。學名薩克埃格爾。爲巴黎中第一學堂。吾於吾女阿德乃爾。一無顧惜。有好必與之也。吾今有噩耗。必以奉白於公爵。此時少年律師挨西貢頗張皇。手足悸動。似以電報示穆利尼不令之言者。口中發聲。而又不成語。穆利尼之言已發。既不能收。亦不足慰。公爵卽拭其目曰。吾殊不了了。適先生示噩耗。似與吾家有係。請明白宣示。用解吾惑。挨西貢見穆利尼垂首無聲。卽起立至公爵前。言曰。公爵。吾至抱歉。公爵於此間非機密之地。而穆利尼先生乃發端。示公爵以噩耗。願明日卽當知。今夕原可勿言。方公爵入時。吾方與衆言。新自英國歸。知布利埃侯爵逝後所遺之訟事。經其後人繼訟。乃失敗無復論救之地矣。公爵驟聞是

言顏色頓變。計此認一頁。克藜之事已矣。乃矯爲鎮靜之容。言曰。君當許我。駭愕一事。足下何以坦然。白人家敗狀於萬衆之前。鄙人深不信。吾家親串之事。乃爲無事之閒人。用爲談資。今深望先生後。此稍爲檢點。勿輕易發言。如此。少年律師立時變色。愁紋見諸其面。搖首噓氣。言曰。公爵宜信其有是言。公爵曰。鄙人之信。蓋信其所應信者。語後輕藐其人。挈其友三數。移座他處。穆利尼及律師相視無語。穆利尼乃強笑曰。備令宜家兒。乃負奇癖。足下何語之驟。卽吾亦被餘辱。只能聽之。失敗而已。律師曰。不唯失敗。將無立錐。良言不信。且加毀詞。穆利尼曰。然。革命者特虛無之舉動。吾輩仍不能與之平等。彼公爵者。於最富之女郎。尙顯然引爲快婿。時臺上鐘徐徐三動。衆譴立止。斐立尼與律師同坐。公爵則移座於遠處。適當門宇。臺上奏跳舞之樂。和藹可聽。而公爵憂心乃隨樂而動。不可自遏。其狀似待劇者。登場而中心實思家事。蓋克藜之失敗。如疾雷下擊。後運茫然。初念依賴其富。今乃長貧。然在人言。尙謂公爵思踐其婚約。卽公爵之心中。亦不能舍克藜。而別取他人爲耦。其心

固謂二人已縛而爲一身中所藏之錦匣其下錯以兩家之印信中藏定婚之戒指然公爵爲此二人之言所束縛其嚴密乃勝於戒指心念克藜之失敗固爲可悲然當歸故宅治田猶狼之伏匿不欲爲人所見耳此時有爵有才有風貌之葛斯唐乃獨無財似已爲人生瘞於地於是追悔博局所得之金錢竟一揮而盡夫博進固非財產然終不得謂之非財今值勢利之場人人目中所見唯金銀之光氣若無財而居巴黎卽不成其爲生活於是思及克藜母女果聞此言則失望當何如也想彼母女或未之知以揆西貢新自英歸故聞之良確卽欲縮短其期馳歸慰其母女釋彼窮愁正在此時場中幕開所排設皆春中之景朗日懸空耕夫饁婦方唱秧歌於紫陌紅塵中歌曰彼美人兮歌聲揚彼君子兮刈麥穗之嫩黃歌聲發兮泱泱腰鎌兮去秀根此歌一落公爵之耳似此身已至布利埃在蔚藍天之下聞耕夫作苦熱氣蒸騰自下而上顧身雖困乏乃幸侍克藜於此寂寞之鄉想駭波怒潮之後用此爲生則安靜恬美極矣乃轉以克藜之貧賤相憐爲樂時臺上劇文續續而演亞律封



司與公主已同出。彼此互歌。且脚於斯里聲至和婉。作歌曰。我爲耶謝其富貴與顯榮兮。我辭樓下殿而入諸囂塵兮。多拍爾卽演爲亞律封司以手撚鬚。悠揚其目光。答歌曰。愛情與富貴本相連兮。權力與財產須萬全兮。爾當爲亞律封司任其肩兮。此歌協風琴而出聽者人人爭爲舞蹈。此劇既高絕而烏巴海咽帝將於今冬亦演是劇。時穆利尼以足抵地以背就榻。大類人熊聽人擗笛。心中初不念此公主。蓋別念一公主。此公主卽其女阿得乃爾也。當於學堂視其女時。尙著短衣拖廣履。貌頗不揚。粧飾尤劣。且瘦骨如柴。既入談話室中。見諸同學皆盛服。則踧踖莫前。而同學尤極輕貌。時穆利尼尙未富碩。且未立椰粉之廠。尤未出藍色之廣告。迨生業一廣而法國雖深村小鎮中咸知廠產之美。是時方售零星之食物。而阿得乃爾同學之母見此女貧窶。何爲錄入學籍。而等第之軒輕。遂入穆利尼之耳。知同學之侮其女至矣。所謂貴胄之黨魁。卽捐傲無倫之布利埃女士。時時聞其女痛詆仇讐。且哭且圖報復。今茲報仇之期已至。阿得乃爾遂爲巴黎盛富之女耶。而所謂富貴布利埃

之女。耶乃爲無奩之貧女。今阿得乃爾所衣之衣。均武阿得肆中所購。髮既修整。身材亦頗豐腴。以財力之多。而金光乃融入面顏。在富人中爲最美之女。想後此布利埃女郎。服常服居於村間。似隱身入諸墨閣之地。且平日所訂之婚事。亦因而驟但觀此。備令宜公爵爲魁偉男子。名聲旣振。且常與其姑氏同至薩克埃格爾堂中。同視克藜。而阿得乃爾目中所矚。見公爵與克藜同行。則隱度克藜必爲公爵之夫人。己身或嫁律師如挨西貢之類。否則嫁與碩腹之賈。於是亦誕育男女。長日爲人所輕。穆利尼思及於此。不期啞然而笑。因以背就榻。納手囊中。弄金錢作聲。復自言曰。我詎無他法得佳婿。足使吾女生其欣悅耶。於是四瞭座中人似欲得一相宜之婿。家穆利尼此時自信財力厚。似世間無事不足以了者。但使其女手執金鏘之帖。其值至於無上面授一人。而其人敢拒而弗受者。則其人之膽力真舉世無匹矣。勿論侯爵也。伯爵耶。但問價值雖高不吝穆之豪富。其出十兆之金。如一兆同也。世有以丈夫拍賣者。其父財力似能市王子以匹其女。此時心雄目肆。四瞭稠人復視至備。

令宜公爵目光立停時備令宜顏色慘戚穆利尼以爲必思得其表女弟乃大怒以爲貧相蓋穆利尼俄頃之間心思萬變卽亦莫知其所以然忽思得一策湧現腦際戲場上第一齣終場矣在鼓掌讚美聲中公爵合其同伴行出場外穆利尼目送之後亦隨之而出在二層樓上本有博場初不因樓下之囂亂其博局室中人聲寂然凡曲中重疊之句粗能流及博徒之耳然博徒之心不爲動也亦明知樓下人方樂乃與已無關所關者只在一賭案之上案式如馬蹄在極熱煤燈之下煤氣欲乾人腦而戲場中美人盛服花球合汗香撲人而博徒亦一無所動葉子戲之入其目較美人尤爲耀眼凡樂聲四徹一若無聞但爭以金錢擲諸綠幕之上公爵不期趨入是間似有天數使然者中有主席者言曰衆各自顧爾之葉子葛斯唐出一千佛郎之票有意無意間擲之局中已而葉子出果如己意之所料遂疑森彼得堡之佳運復來於是遂占一座位而穆利尼亦至此爲穆利尼第一次見博徒者蓋穆利尼之性理甚不欲以博局中事委諸造化凡不得柄握者則不侔其利平日咸欲以技

能轉移風氣。平日略爲伯實克葉子。不爲武翊忒（卽中國之牌九）反掌定其勝負。此時亦臨局次。見公爵以百魯意納局中。亦以十佛郎置其旁。人人咸知穆利尼蓋偵察公爵之所爲。故亦入局以自掩其陰謀。於是續續而博。似穆利尼之十佛郎能牽率公爵佳運使之中梗者。公爵色變。於是出其最後之鈔票。穆利尼少勝。傲然復出十佛郎與博。天旣遲明。博徒盡散。公爵負四萬佛郎。穆利尼見之。知布利埃姑娘之命運盡矣。於是歸入馬麗石埃伯住宅扶頭而睡。葛斯唐腦沉而身熱。當此之時。在勢宜赴布利埃。乃夷猶不行。以手支頤。下視伯爾官道。見清道之夫。已治晨役矣。晨氣撲人精神少。振朝曦甫上。晨霞滿天。公爵自念夜來。乃大誤。決以今夕行。此武翊忒之博。乃至可惡。於是整衣賃車。令至布倫盧大林中乘涼。是夜仍弗行。再入博局。當此克藜正在望夫之時。百折不撓其志亦足悲矣。

## 第五章

當巴西蘭送二噩耗於夫人家時。侯爵夫人耳中。尙有所震。則怏怏坐於錦榻之上。

而堂門洞開。適當草場。夫人思深。不期一一見諸容色。小侯忽入。夫人霍然立止。其思似一見其子。卽有意外之事入其目中者。幸小侯寧靜無事。且出笑容。夫人問曰。汝來何爲。小侯曰。拍爾桑夫婦至矣。車輛已入園門。甬道矣。在夜色沉肅中。聞車輪。憂動沙痕之聲。直達戶內。夫人以紗蒙其首。加以外衣。過甬道。至階。次車行。作曲線。痕止於階下。車中人。蘊其笑容。冠烏羽之冠。手上加西班牙狗皮之套。視曰。吾家長過佳辰。而小侯已至。車外。車中人。忽出小蠻靴。踐車。鑿靴黑而足。纖襪以灰色。絲爲之。既下。卽抱侯爵夫人親吻。曰。見叔母。喜甚。骨肉之親。乃至久別。今吾家人安在。既見克藜。卽突進。引手微作感喟之言。曰。克藜。我似一世紀中不見汝矣。復與小侯親吻。後至再引手。卽整其衣。裙作絳縹聲。竟使此猝落之侯。家人人咸生喜色。忽呼曰。吾夫焉。往詎失路耶。而後車已至。拍爾桑言曰。吾已久侯爾。行禮畢。後再伸吾懷。此時見一少年。年可三十餘。衣旅行之衣。執革囊。自林陰中出。謙謹鞠躬。至夫人及克藜之次。男爵夫人曰。聽汝行禮後。可照料吾之行裝。然吾有黑合冠。在是中。可爲。

我留意。男爵曰。諾。卽迴顧小侯。倭其打與之引手曰。汝試觀物事。十九重可。三百。啟。羅似吾妻。運鎗砲至矣。男爵夫人如不聞。於是家人歷階而升。男爵夫人引日向天。言曰。嬌氏。吾不知胸中所積之言。千頭萬緒。從何處抽出也。復引夫人之手曰。兒輩。愛嬌氏。至無論何事。有關於嬌氏者。匪不戚戚於心。此時夫人以目視克藜。而克藜亦停目不瞬。待男爵夫人發言。男爵夫人曰。少待。吾夫至時。必歷歷詳敘其所蘊。謂克藜曰。汝不知吾乃赴瑞士耶。吾不能過此而不留。今必留此數日。始行。當以馬車。往入烏伯海意埃山路。吾東方之兵隊。男爵率至如索。與武阿諦所帶巴都亞人。鏖撲。男爵少傷。此遭之戰。男爵舉動。乃無愧英雄。在二百人中。爲雪凍死者逾半。乃以八十人歸。竟不得寶星。令人灰心於革命之政府。汝亦知江伯打甘受部長。而不辭乎。男爵夫人語時。巧調之舌。如鸚鵡。瀾翻不已。凡其所言。又如五色玻璃。閃閃作異色。夫人與克藜坐聽。耳幾爲聾。不期端坐如塑。而目光亦爲男爵夫人所眩。男爵夫人初不待人答辭。卽自入他室。臨窗而外盼。見隱隱有烟簫火光。噴射四照。如野燒。

男爵夫人以手相撲言曰。犬佳。犬佳。乃類。黎園中布景也。吾家人殊有幸。乃居此田園。林木間朝暉夕陰。景象萬殊。嬌氏以我較克。黎歲年固同。而吾之老蒼。乃同其母。此卽好跳舞喜宴會。且夜夜赴黎園。巴黎紛嗽之中。使人易老。可知歡樂之事。亦如操作不勝其罷。嬌氏聞吾言。當發微哂矣。嬌氏決不能謂吾夫婦常宜如此。理宜至部阿卷。虐野次。寂居四閱月。顧乃不能男爵者。博學多才人也。研究實業。以巴黎爲中心點。尤有科學之會。並博士院。均在彼間。卽我亦有與人酬應之事。並慈善之舉。又一幼女不能聽彼長處。保母之側。況居海濱。已兩月。旅行又兩月。在佞士。又兩月。所餘之時。有幾。今吾倦矣。且歸坐少息。此時男爵夫人如旋風環過。二人之前。距夫人所坐之溫榻而坐。卽曰。願嬌氏語我。以事居此。何事度此良時。又用何物以消遣。倭其打如何。鄰居鐵匠又如何。凡嬌氏所寓書。一一知之。設人無頭腦。又作何狀。既坐不寧。遂閉其目。似靜候夫人及克。黎之報章。此時男爵夫人語少寂。如嬌鳥作歌。歌已立睡於榻上。鼾聲作矣。蓋男爵夫人行倦。以首枕榻背。榻蒙舊紗。而男爵夫人。

細細作嬌喘。朱唇微綻。知睡熟矣。夫人與克藜相視而笑。各治針黹以待。此男爵之  
雛。夫人蘇醒。夫人固不脫孺子氣也。男爵夫人姓鶯尼庫。名素斐。此名乃大奇。素斐  
者古之賢淑人也。如是美名乃加之。輕狂之命婦。此人爲布利埃侯爵女弟之獨女。  
少與克藜同處學堂。貴胄之黨。恆虐待富民之黨。素斐卽在貴胄黨中。亦識穆利尼  
之女。顧素斐之爲人心。則神聖。腦則飛鳥。舉生平佳處。但足彌其顛狂之失。阿得乃  
爾之惡素斐與惡克藜同也。卽此人呼阿得乃爾爲小椰子。以穆利尼方設椰子肆  
也。方十三歲。女學生欲啟釁時。幸克藜年事稍長。爲之居間。得無事。阿得乃爾竟視  
居間者爲輕己。恨乃逾深。克藜雖忼傲。然識大體。力遏女伴。勿再挑釁。然克藜志向  
愈高。而阿得乃爾恨之亦倍。實則克藜初無輕蟻儉女之舉動。而天質相反。竟若宿  
仇。似克藜之身材。窈窕。玉手皓潔。篋上之圖書。手中之皮套。節節皆觸其忌。克藜於  
同伴恆稱爾爾。爾有二義。一處親稔之人。一對臧獲。而語阿得乃爾亦欲遍爾諸人。而  
同學大闕以爲褻。素斐大怒不聽其稱。則以臧獲之爾呼之。克藜以爲過。則對阿得



乃爾稱親稔之爾阿得乃爾轉以爲瀆視屢挑其釁克藜初若弗覺然輕藐之心亦弗覺其日增素斐與阿得乃爾之爭亦日無停晷一日素斐自談話室中出至於庭中手中執椰子糖徧餉同人後則笑壓向之曰汝亦甘此乎幸勿介介物非出自爾家是侯爵授我者阿得乃爾大怒取其糖力擲諸玻璃窗上窗破玻璃之屑散落沙中於是大衆奔集力推阿得乃爾阿得乃爾仰跌左手適觸玻璃之屑阿得乃爾既怒又見血出則大驚而暈素斐頗悔即抱阿得乃爾入養病之室躬自讖悔坐而悲哭恨爲戒首自是日後阿得乃爾卽爲富家之首領富貴分黨如敵國焉已而人亦漸長爭端亦泯而不發大類世界官途中之爭競此時之戰不以手撲分勝負矣暗嘲隱刺機鋒犀利克藜智力高乃不與此戰但有隱爭蓋彼此才具相等也時穆利尼財源大進人言穆利尼能以煤炭煉爲華尼慮尤言其椰子粉能以杏仁代之此二物乃大馳名於國中得資頗厚時巴黎社會以實業爲富貴之具因之穆利尼亦爲人禮重遂入商務裁判所其交遊語及穆利尼者咸搖首稱能不已穆利尼人既

劣。俗。時。時。以。金。自。詡。唯。無。凶。狠。之。心。若。於。己。有。益。者。時。亦。代。人。著。力。每。欲。擴。其。交。遊。故。擇。交。恆。向。貴。要。因。之。名。聲。大。起。一。日。至。薩。克。哀。格。爾。學。校。坐。雙。馬。之。車。呼。其。女。至。談。話。室。自。是。阿。得。乃。爾。不。居。此。校。矣。時。阿。得。乃。爾。已。十。三。歲。同。學。者。每。於。林。外。見。阿。得。乃。爾。與。其。父。坐。華。美。之。車。遠。遠。見。同。伴。而。笑。似。身。在。此。車。得。意。已。極。與。人。爲。禮。適。以。自。豪。逾。數。月。後。素。斐。與。克。藜。亦。歸。魁。率。既。行。戰。場。立。靜。然。阿。得。乃。爾。之。恨。乃。若。不。與。同。天。每。出。必。引。目。四。盼。或。至。黎。園。必。在。二。等。此。爲。其。父。極。力。所。營。而。得。者。然。仰。視。素。斐。克。藜。已。在。最。高。樓。上。觀。之。怒。不。可。遏。每。下。幕。時。有。無。數。少。年。爭。至。樓。上。且。掬。食。糖。果。其。在。阿。得。乃。爾。屋。中。則。虛。寂。無。人。阿。得。乃。爾。自。念。此。羣。少。年。中。必。有。一。人。爲。克。藜。之。夫。此。時。克。藜。年。鬢。已。及。破。瓜。豔。乃。無。度。淡。黃。之。色。似。有。光。氣。每。出。必。衣。粉。霞。袒。胸。之。衣。不。帶。寶。石。而。觀。者。已。豔。羨。無。已。素。斐。先。嫁。柏。爾。桑。男。爵。婚。禮。即。行。於。聖。烏。畢。司。日。禮。拜。堂。繁。麗。極。一。時。之。盛。婚。禮。成。時。乃。不。延。阿。得。乃。爾。入。席。然。有。人。曾。見。阿。得。乃。爾。揣。一。僕。婦。在。人。叢。中。竊。觀。然。亦。無。能。辨。其。真。僞。蓋。阿。得。乃。爾。隱。於。巨。柱。之。後。似。

目光能吸入其仇人者。克藜爲新婦之相。與滂達小子爵。四嚮巡視。竟至阿得乃爾所立之地。阿得乃爾遂避入人叢之中。克藜亦不之審。復他適。果人目所及。能化爲利劍者。此時克藜身首異處矣。蓋阿得乃爾之視讎仇。目殺其人。較劍利也。此時備令宜赴森彼得堡。克藜遂深居不恆出。且居別墅六閱月。心中已久忘阿得乃爾。方柏爾桑男爵夫人睡於榻上時。亦初未憶及當時同學。曾時時挑戰於儉人之女也。時堂門關。夫人醒。見男爵同倭其打聯臂入。卽翻然起立曰。吾家人乃聽吾鼾睡耶。又曰。此間類仙姬之書。足令人長眠。不然吾方蒞此。何以目睫遂交。又何人能爲可愛之王子。令此公主驚醒。今男爵非王子耶。旣而曰。否否。王子必爲倭其打。嬌氏。恕我無禮。或是間天氣使然。令人倦而思寐。若在巴黎。恆少遇此。吾乍來。故不習耳。男爵進曰。適來奉命。已將行篋運至。此屋滿矣。男爵夫人似皇后垂盼。臣下首肯者。再克藜曰。吾今指授爾以所居之室可乎。男爵夫人曰。可。手中出絳皮之囊。上加圖書。入時置於榻上。忽然注視其夫。男爵疾進取之。夫人曰。不可。此物安可授汝。吾防護

落。倭其打來。此物囑爾代爲藏之。復視侯爵夫人。旋又目及其夫。男爵笑曰。吾甚服爾信我。卽謂倭其打曰。爾爲我任其勞。我在此侍坐於嬌氏。侯爵夫人悅。男爵夫人攜克藜之手。及倭其打同行。似不擾二人之情話者。口中微微作歌聲。出男爵靜默近。侯爵夫人座側時屋中沈陰野處涼冷。立命生火炭聲爆於爐中。火舌所吐上映承塵。閃閃如人跳舞之狀。侯爵夫人心思男爵所挾之新聞。或且較勝於巴西蘭所語者。心中又生希冀之心。忽聞樓上二少年婦女。鬢靴蹴踏之聲。歷歷入耳。侯爵夫人引目。忽見男爵立於其前。似待命令。夫人強笑曰。爾有機密之言示我乎。願雖未言。我已知矣。汝不觀老身堆愁於面耶。男爵曰。然。吾家之價值。所以見重於人。乃日退而不能增。嗟夫。吾輩中但有一人不自檢點所行之事。大足累人。吾輩所以高出社會者。信耳。故恆人有言。貴族一語。堅如金石。今茲乃無人信我。如當時矣。吾輩所餘者。名譽。今亦淪喪殆盡。侯爵夫人淚落如雨。因引手向男爵曰。第言之。吾不汝怪。吾近得巴西蘭言。備令宜已居巴黎六禮拜矣。男爵大戚曰。嬌氏亦知此人近方行。

婚。禮。乎。侯。爵。夫。人。即。躍。起。座。中。顏。色。如。灰。言。曰。娶。耶。男。爵。曰。然。嬌。氏。怒。兒。鹵。莽。兒。思。此。事。不。知。質。言。爲。佳。夫。人。復。曰。娶。耶。男。爵。曰。公。爵。極。力。掩。飾。不。欲。洩。之。於。衆。顧。其。岳。氏。多。金。而。儉。決。不。爲。秘。今。茲。方。慶。得。快。壻。儉。女。乃。偶。及。公。爵。茲。事。爲。公。爵。之。友。葛。司。德。項。爲。兒。言。之。亦。知。茲。事。之。所。由。生。兒。至。憾。此。事。爲。吾。家。傷。心。之。事。公。爵。至。巴。黎。時。即。與。人。行。博。於。俱。樂。部。中。運。命。奇。劣。不。數。時。而。囊。罄。顧。所。積。非。夥。罄。之。亦。易。既。負。博。進。則。假。之。於。俱。樂。部。中。之。司。帳。者。續。續。更。博。一。禮。拜。中。負。至。二。十。五。萬。天。地。異。色。病。發。如。狂。仍。納。身。局。中。恣。賭。不。已。兩。夜。盡。反。其。所。負。已。而。更。博。則。負。至。十。萬。佛。郎。至。結。局。時。但。餘。二。十。萬。佛。郎。之。袴。夫。人。久。視。男。爵。言。曰。一。袴。焉。抵。二。十。萬。男。爵。曰。是。爲。隱。語。凡。博。徒。大。負。者。即。謂。之。袴。夫。人。曰。以。二。十。萬。佛。郎。市。一。袴。其。貴。乃。爾。男。爵。曰。葛。斯。唐。負。債。如。此。之。重。乃。無。一。錢。俱。樂。部。苛。例。二。十。四。點。鐘。中。必。清。還。否。則。大。署。罪。狀。驪。出。門。外。公。爵。困。頓。至。此。在。理。宜。歸。商。諸。家。人。吾。家。多。不。動。之。產。然。兒。及。兒。婦。可。以。代。負。一。部。分。之。責。餘。則。與。人。商。略。或。得。掩。此。大。恥。而。葛。斯。唐。乃。不。取。助。於。我。或。且。不。欲。

露其醜也。葛司德項曾勸諫其出此途。而葛斯唐閉戶苦慮。知身世墜落。後顧茫茫。當此之時。乃爲造物所弄。而未來之岳父。作簡語向葛斯唐曰。公爵負二十萬佛郎之責。在理今日當備。而公爵竟不早圖。公爵欲起不與言。此財虜卽作簡語曰。此二十萬佛郎。鄙人可代備。鄙人本有巨產。能以十兆嫁吾女。雅不欲人惜。十萬魯意使名門巨閥之人墜其家聲。而不救嬌氏試思。此數不寧巨乎。然兒殊不信。其有此而葛司德項口如懸河。兒不敢信其實。然所聞蓋如此也。於是備令宜大震。似金鑄之人立諸其前。此僞慈惠之人。開其篋引入。其指一轉。指間公爵之世閥爲此。二指夾之而去。此則公爵別娶之情狀也。談次少寂。天亦曛黑。男爵在黑影中。僅能辨得夫人仰首。如有所思。餘則鐘機中旋轉之聲。歷歷入耳。他無聞矣。忽爾見侯爵夫人臉際。如有濃雲漫翳。作聲嗚咽。知夫人已失聲而哭。男爵卽趨至夫人之側。長蹠而執其手。乃不能另索一詞。足以慰藉夫人之痛楚。夫人徐曰。無傷也。吾心過悲。殊不能自制。其淚不使流溢。吾平日之愛葛斯唐。至於極地。似卽由老身胎血所裹而出。無

異爲吾之次子。故所出劣跡益傷我心。且不料其辜恩至此。考彼生平實恂恂不愧。爲故家子弟。何以變化如斯之速。社會之酷烈。竟能將人積年教育之工程。一時折毀不成。片段吾當日兢兢業業。細意撫其成人。其酬報老身。不過爾爾。辜恩哉。葛斯唐也。男爵此時亦大傷感。卽取案上象牙之鉤。此鉤本夫人用以製羊毳之用。無意中將鉤貫入毳球之中。用自消遣。夫人神定。自拭其淚。言曰。今茲第一義。須謀所以處克藜者。你須知此女至狷傲。好上人。酷肖其父。其心金其頭。鐵也。乍聞噩耗。必傷感。至於無地。彼晨來尙殷殷對我語。葛斯唐不已。此女之心。無時能料。葛斯唐戀及他人。葛斯唐久久不有家書。亦不思歸。固以公務空惚。勢至於此。其腦中初無他惑。人既誠篤不苟。然諾。其視他人。謂亦如此。似彼。腦筋。非禮。悖信之人。吾殊不能爲之設想。男爵曰。嬌氏以爲以術勸之。能否迴心。葛斯唐之鋌而走險。勢蓋出於不得已。若以善言導之。或且得一隙之清明。嬌氏以爲宜者。請爲老人盡其死力。俟爵夫人作色曰。否。吾家豈忍辱求人者。地固陵夷。然尙清貴。吾安能貶吾平日門閥。屈

節。嚮。人。吾。今。當。誠。告。吾。女。道。吾。猶。子。與。新。人。訂。婚。約。萬。不。能。自。食。其。言。已。而。強。笑。曰。備。令。宜。公。爵。如。是。任。情。果。置。諸。不。論。不。議。之。條。或。有。自。新。之。日。男。爵。曰。一。聽。老。人。所。命。兒。不。敢。遽。贊。一。辭。心。固。知。老。人。之。決。策。必。如。此。在。兒。思。之。爲。親。屬。中。分。所。必。至。當。力。任。居。間。今。嬖。氏。雖。力。荷。其。淚。迨。見。公。爵。時。決。不。能。以。狠。厲。之。容。相。嚮。此。時。忽。有。履。聲。至。於。樓。級。則。克。藜。與。倭。其。打。及。男。爵。夫。人。歡。笑。之。聲。也。克。藜。爲。男。爵。夫。人。慙。慙。所。動。亦。不。期。時。時。失。笑。堂。門。旣。啟。男。爵。夫。人。先。行。引。其。弟。妹。至。於。未。上。燈。之。室。男。爵。夫。人。曰。胡。不。舉。火。嬖。氏。及。吾。夫。乃。同。語。於。墟。臺。之。間。如。是。深。沉。幾。於。聲。發。不。能。到。耳。嬖。氏。曾。語。我。恣。吾。欲。者。轉。以。堅。吾。癢。今。吾。所。居。者。爲。是。間。第。一。之。陳。設。吾。二。人。饜。此。安。樂。之。宅。幾。忘。吾。行。侯。爵。夫。人。曰。然。此。吾。之。所。願。也。唯。爾。夫。婦。遠。來。此。時。決。饑。可。以。就。飯。矣。侯。爵。夫。人。語。出。時。似。有。人。久。伺。其。言。立。時。饗。堂。之。門。一。道。火。光。直。射。積。器。之。格。上。格。中。陳。舊。瓷。器。及。銀。器。同。時。卽。有。臧。獲。請。命。之。聲。言。曰。夫。人。席。陳。矣。

## 第十六章



男爵夫婦。至布利埃之明日。諦學白黎及其妹斯簪爾亦至侯爵家。其來也適生男爵夫人之樂。夫人此時已久厭鄉居之岑寂。布利埃家人方圍坐虹色帷幕之下。受冬初秋末之佳景。以是年且暮。將易爲寒。迺之景。園外鳴鳥爲晴日所蒸。歌聲復發。如夏日其屋前沙草之上。有黃色之水鷗拾食。餐堂所拋麪包之餘。履侯爵夫人以氈。自圍意甚疏懶。靜聽克藜與男爵夫人語。二人各以玉臂支花。綱石之闌。干男爵臥於船榻之上。可以前後動搖。向天吹雪茄之煙。倏其打則取小紙以鉛筆寫克藜及男爵夫人之影。在此園中態度至靜。人人皆如春困倦不自支。時從者至以革靴著砂牙牙有聲。衆皆爲之蘇醒。侯爵夫人引目視來者。克藜及男爵夫人亦轉其目。侯爵立納其小本於囊中。男爵不動。但微側其首。從者曰。諦學白黎先生及其妹來謁。敬問夫人許否。延接克藜力蹙其眉。覺此人醉心於己。一聞其名。卽怏怏不自適。且料此人之來與己命運大有係屬。不期心突而動。尤思此人自流露其愛慕之機。倪久久。蟠伏不動。今日乃敢冒然請謁。何其膽力斗巨。如此固巴西蘭曾爲介。

紹然特爲調停界址之事。然此特假名爲進身之具。彼乃謂公爵久別遂萌異志。而近我耶。此時閨中思想紛煩無緒。一分鐘間已歷過克藜之腦。中此爲克藜厭惡斐立之權輿。男爵夫人好事。卽曰。嬌氏趣納之。吾至欲見此滄人。令人生無窮之趣。卽於其妹求村間事。彼村姑衣飾必令人莞然開其笑口。侯爵夫人曰。吾亦云然。卽語溥者曰。汝延引諦學白藜先生及姑娘至此。時少靜而大廳門啟。斐立及斯簪爾已近階。除日光照其紫色之面。雄偉作金色。斐立壯猛而鎮靜。衣禮衣。緊束其身。望之氣宇似高出其本人。其妹衣深藍之衣。緊依其兄。肘側面容爲心脈所感。頗戚戚作惶惑狀。然神情似甚果決。以目注視其兄。若陰助其膽力者。侯爵夫人起近三客之前。斐立鞠躬口中斷續膠膠作數言。悚惶之狀。夫人幾欲失笑。夫人卽爲慈祥之狀。引斯簪爾之手。言曰。敬告賢兄。臨貺寒第。不敢不盡主人之禮。斐立引首作感激之聲。曰。侯爵夫人下走乃不知所謝。其獎引女弟禮意優渥。至此妹爲孤女。少時失母。缺內訓。長依下走之側。侯爵夫人不棄寒人。得親仰仁慈之下。爲幸多矣。侯爵夫人。

細視斯簪爾頗爲其容光及慈態所動卽曰女郎來前老身親爾卽以脣吻近斯簪爾淡黃之髮侯爵夫人謂斐立曰此卽吾兩家之和約簽字於此女郎之頂吾鄰一切前恹恹化雲煙爾來吾爲爾介紹見吾家人卽指倭其打倭其打前夫人曰此爲布利埃侯爵爲老身之愛子倭其打曰母勞引見矣卽引手付斐立曰諦學白黎先生與我已相見卽謂斐立曰吾鄰足力健所脫之兔捷乃不如鄰卽奔迅逃死亦不能如鄰之疾走斐立笑曰侯爵恕我所以不敢奉告者以侯爵當時相見仍不釋憾於我果出眞名恐不能自免於辱倭其打曰然當日但知彼此頗有惡感今茲百憾盡釋永爲善鄰請君介紹見君女弟斯簪爾笑靨迎人倭其打行近其側侯爵夫人復面男爵夫人及克黎言曰是爲男爵夫人柏爾桑老身甥也一爲布利埃姑娘爲老身息女此時斐立面頰不敢正視卽鞠躬爲禮其勢似踞男爵夫人卽附克黎之耳言曰吾以爲牛臂及護膝滿髮皆鐵屑耳天主恕我不圖彼乃有寶星也且男爵無之想吾國家制度眞有不可臆度者究令人生疑不已此人乃不自臨鍛耶但

觀其目。糾糾有英雄氣。何也。克藜向不視斐立。至此頗以目注視。中心怒。不可遏。思得機。俛以語痛詆之。其視也。似有兇鋒。注射此巨膽之僉人。蓋見其背廣而軀偉。雖沈寂尊嚴。而眼中實斥爲濁物。同時目中忽湧現公爵之手。姿綽約。其前謂公爵。軀幹佳。貌美。髮作栗色。目光蔚藍。脣吻聰明。可愛。脣旁垂金黃之鬚。較諸斐立之眞形。與公爵之幻影美醜。乃同天壤。一爲平民之狀態。頽而財多。一爲完全之人格。態度至佳。第爲貴閥。積習所掩。頗能博此稱。不圖斐立於立談之間。得之。俄頃中。交情以留心科學之故。成秘密之會。黨引手作記。用表同心。復問斐立曰。汝自啟其礦乎。以吾度之。廠中必大佳。吾明早必至廠中。汝當一一示我。在廠宜用多人。斐立曰。工匠凡二千。侯爵曰。高爐有幾。斐立曰。十爐。經年不斷火。侯果至吾廠。卽見巨椎。椎重可四萬啟羅。運用之靈。能使人置雞子其下。椎至雞子之皮不能動。男爵曰。果有善器。必能與塊若的大廠競爭。斐立曰。然彼能製大。吾能製小。工力敵也。男爵曰。先生。此爲至佳之事業。吾至悅得汝爲友。吾思此禮拜之末。將至瑞士。然此旅行。句復曰。吾

與爾且試驗。想爾必有試驗室。且爾爲化學家。尤爲吾生平至愛之良友。言已復把  
斐立之臂。閒行於草地之間。克藜及男爵夫人亦近其側。夫人曰。吾夫何往。倭其打  
曰。此人如小兒騎馬。一手挽諦學白黎如玩物。夫人曰。今不之止。且行且遠。倭其打  
曰。汝何爲止之。彼二人相契之深。汝轉以爲劣乎。若夫爲英雄之裔。可紀代表十世  
中善戰之人。斐立者。實業家之令子。可恃以發明湯煤二汽之奧妙。及於電氣。在我  
之意。甚願二人能相水乳。惟其互有傾慕之心。故交情誠篤至此。且此二人者。一代  
表過去之舊勳。一代表邇來之新學。於世界大有榮名也。夫人曰。倭其打汝爲律師。  
言之動聽。唯以先烈言之。則汝似過崇民主。非復貴閥口吻矣。倭其打笑曰。姊氏須  
知民間勢力偉。吾今須從平民中。創立貴族之格。今先以中等之人爲平綫。然後取  
其有才能者。超出其上。則爲有才之貴族。此等貴族。可以繼諸生而卽貴者之後。且  
吾之爲此。亦遵祖烈耳。須知立此堂構之人。是否生而卽貴。亦以努力功名。能以才  
力出恆人之上。柏爾桑第一名曰郭西。亦屬平民耳。顧人皆不能槩其勇概。在戰場

有功。故貴。戰地。有得。故富。其凱旋。自巴勒司頂時。卽以其所居之地。爲名。汝唯恃。西之餘蔭。乃爲男爵夫人。今果有人才。略能如吾祖。胡不能拔諸常人之上。古人有言。最勇敢者。始有光榮。今則當曰。最聰明者。當留門地。忽聞身後有人言曰。侯爵言。至當理。又曰。男爵夫人。怨我爲冒昧之言。言者巴西蘭也。面頰而挾皮篋。轉宅角而出。男爵夫人悅曰。巴西蘭。汝至耶。汝輩衣律師之衣。常處中等。然則革命之益。皆益汝耳。汝蹤跡如鬼。今從何處來也。巴西蘭曰。吾至自武柏杏。車停小門之外。此時侯夫人同斯簪爾亦至。巴西蘭曰。夫人。下走敬謹伺夫人。又顧斯簪爾曰。姑娘。吾亦如禮奉送。今日天氣滋暖。吾飛馳至此。本擬與諦學白黎先生同來。以吾須往簽文契。此文契。乃令人至爲抱憾。契爲武柏杏。故居今售新主矣。侯爵曰。挨瑟太爾家。得售主乎。巴西蘭曰。然。此售主。乃出重價。必欲得此宅。較他人多至三分之一。其人爲巴西黎巨商。且言有幸。得識夫人之家。故欲覓得新居。與布利埃密邇。侯爵夫人徐曰。老身可聞其名乎。巴西蘭曰。商名穆利尼。巴西蘭初不料斯言。乃生無數波瀾也。此時。

布利埃姑娘猝起而男爵夫人亦拍手言曰此阿得乃爾之父巴西蘭曰然穆君果有息女名阿得乃爾此屋卽彼所購欲趁成婚之日歸入奩資男爵夫人曰酷哉穆利尼儉人爲爾鄰矣其聲價乃等諸王侯巴西蘭曰然則其人富耶男爵夫人曰富哉然其富甚可哂卽面倭其打曰倭其打此卽爾之理解足稱有才之貴族而穆利尼尤爲其英楚揆瑟太爾家曾產十名將授法國二爲水師提督尤一大將軍其爲各部大臣者無數其在武哀沙中尤有先烈之遺像其家世在歷史中篇篇咸見其姓氏不圖式微以後乃爲製椰子之人驅出巨閥以外其人爲國會不得百分之一其姓氏流傳但在街衢廣告之中此卽民族中之翹楚矣夫一國之中乃有如是傷心之事實則可謂之亡國矣倭其打曰男爵夫人宜少靜吾亦如爾傷心揆瑟太爾之式微試問吾輩何法能奪取穆利尼之金資救吾衰涼之宦後果如是者毋乃言之過易如穆利尼者但能以火炙其足他尙何言男爵夫人曰爾勿嘵嘵凡爾所言似有意難我亦不如咀囁而出語後以手挾侯爵夫人至男爵之前時男爵方與斐

立同歸。克藜不語。如有所思。因念諦學白黎及阿得乃爾平日深居不出。今忽見形於社會之間。不禁爲之疑駭。克藜生於貴族之間。平日長傲似設藩牆。界斷平民之道。今見斐立冒然來前。中心至快。快不可自聊。且諦學白黎至此爲第一次。乃以平等視之。然則森嚴深邃之故家。亦等諸闖闖。可以恣人窺探矣。卽思反對其家人力驅此僑。既見家人和藹如春。不期大怒。遂示其嚴冷之容。覺眼前所歷者似有不然之事。舍乎其中。況公爵久無消息。卽家人之歡笑亦似矯激。偶聞耳語。頗復經心。如家人聚語之時。一見己身。卽萬聲皆息。而視己尤極其親愛。於是疑慮環生。不勝憂楚。克藜生平好高而誠。懣所歷之事。不能不下上於心。本好爲疏爽之言。乃值今日亦不敢徑情自遂。蓋緣愛情之故。膽力微懼。惟防公爵之誑。已既代所愛者。傷心則自制其情。亦不向人詳詢。公爵行止矣。斐立見克藜驕妄已極。尤股栗不敢遽前。乃愈生克藜之輕藐。則一一形諸顏色。色之所呈。似隱示逐客之意。客在能使己無歡者。斯簪爾亦驚皇失措。思欲以術探之。仍不見答。則奔集巴西蘭之側。巴西蘭之加



以顏色。乃慈愛如父兄。侯爵夫人。覺斯簪爾。踉蹌不安。卽斯簪爾之希望。亦立時消滅。覺其兄之倖福。墮滅無餘矣。尤知斐立。與此高不可攀之克藜。相距直同天壤。是必得意外之動力。或能兩兩和合。此時尙未絕望。乃以孺子迷信之心。委諸造化。代彌其無可如何之隙。侯爵夫人。旣入巴西蘭之言。且見男爵與斐立交誼至篤。頗喜袁門得此佳客。遂延斐立。飯於其家。正發聲間。忽爲愛女眼光所射。如疾雷轟擊。卽自付曰。吾發此端。得毋驟乎。旣而曰。初未冒昧。又思克藜之怒。似已過當。顧諦學白黎至解事。卽辭謝。且表感恩。言事集當行。於是匆匆出門。斐立來時。在沙徑中行。立可兩句鐘。凡侯爵所言。但漫應之。雖應對適宜。而心殊弗屬。額上皺紋。似螺之合口。萬端之結。奔湊腦中。兩句鐘。頗示弱。斐立爲克藜所忤。視俯立不敢動。似二腳有根。直沉深盤。旋入於地底心中。大亂思求。避其怒目。欲至侯爵之前。侯爵方與斯簪爾語。斐立更欲覓得顏容。齋者少與周旋。已乃不敢動。卽自睨其驅大覺其形之穢。旣愚且笨。不可近人。且自與兩少年互較。似此少年。舉趾閒雅。可敬。卽二人所著之。

衣亦翩翩有度。自觀禮衣所製，乃爲儉式。俗不可堪，深知塵容俗狀，不宜陳諸貴人之前。踧踏無地。此時幾願縮壽十年，能著衣如二少年之溫雅於心足也。然克藜決不能忘此來之儉態。儉態既沁入克藜之腦，必終始無垂青之時。復念此女郎雖已式微，然持已家世與言相懸，寧只尋丈。於是悵然責備無已。生此枉想，欲攀所永不可至者，乃欲一蹴至之。時倭其打聲發，斐立若在昏瞶中爲之一醒。倭其打曰：諦學白黎先生，此間有人能語實業事，卽爲吾戚柏爾桑男爵。其人博雅君子也。男爵卽躡入言曰：倭其打不宜言博，但言好學足矣。科學之途廣，吾但能發其偏端。胡敢言博。斐立神定，始敢張目。追尋克藜何往，見克藜徐徐行至沙徑之上。至男爵夫人之旁，以紅絲之傘峰抵玫瑰之花花枝盤入闌干之上。斐立太息，轉身言曰：鄙人非第一次，聞柏爾桑先生之名也。心佩久矣。男爵方欲抗辨，斐立復曰：男爵非曾著煉剛之條陳者鄙人曾沈酣其中。自先生寓此，書於博士院中，鄙人讀之心醉無地。倭其打大悅曰：男爵汝乃不料處。吾僻靜之區亦馳名至此。爾今且名滿天下，至於窮

村爾當知我非忘言者。有日必當步君塵後。男爵聞倭其打所言。獎已至矣。然中心亦悅。有人能讀其書。書中說剛理至幽。皆不圖竟得知己。此時侯爵夫人至其旁。亦不能悉其滔滔之詞源。男爵以二手相扑。作機器之聲。示所言之學理。得所證據。語時身動。有時引斐立之手。似慶得知己之人。不聽他逸。斐立亦不欲拂其盛意。且喜得意外之交情。在此故家之中。侯爵言之歷歷。不呼先生。但呼斐立。爲親愛之人。設有人與交。至三月之久。尙不如被重刑。卽欲脫身而去。蓋此次之來。忍不能忍。初含歡意。乃不知竟爲生平第一窘迫之時。光興致。旣敗。萬念全消。謝別侯家。俾偃自出。而克藜之視斐立。一來一去。如浮雲之過太虛。一無執著。雖斐立鞠躬爲禮。而克藜則略爲點首。如處市儈。斐立此時知大敗之軍。無捲土重來之望。苟非有人助力者。則眞不可救矣。此時男爵極表殷勤。送之出門。屢與引手。其送行時。如同業之工匠出外試驗。中心戀別無已。侯爵之待斯。簪爾一似其女弟。藹然如春和。巴西蘭挾其革囊。徐徐亦出。旣出園門。駕車灰色之馬。口嚼榛樹之葉。巴西蘭延斐立兄弟同坐。

男爵代之引轡以表敬。倭其打遂與斯簪爾彼此一笑。巴西蘭以鞭鞭馬。車轆轤行。倭其打與男爵同聲言曰。再見。斐立作顫聲答曰。恐成永決。願聲微爲車聲所震。二人遂不更聞。巴西蘭覺卽曰。永決耶。又曰。何名永決。吾友理想太紊。何爲不更至布利埃。斐立見問。卽掬其心緒示巴西蘭曰。天下安有必欲行不能至之事。而續續冒爲之。吾思恣其心力。必使此事無功。苟不自愛。且得奇辱。不如豫爲決去。勿聽蔓延。巴西蘭笑曰。先生心中何望。今旣抱憾如此。吾轉疑先生希望之奢。汝謂布利埃姑娘當一見如故。如蕩婦之視學生。先生轉以爲貴乎。先生今茲初蒞是間。須知此中心思極細。不復粗率。愛情旣不猝露。惡感亦不遽宣。處事皆有分寸。非孟浪也。且爾初入貴閥。所得禮遇已爲意料所弗及。家人對爾旣甚親密。侯爵於禮有加。而男爵尤欲與爾試驗科學。侯夫人於第一日卽延同飯。似款二十年相知之故人。汝獨不愜於心邪。以理裁之。汝殊非同道。汝謂克黎猶傲無禮。然則所欠者只克黎。挽爾頸而親吻耳。天下安有如是之易。且爾爲性至粗躁。昨日不言得見顏色爲生平。

之。大。福。耶。今。茲。在。其。旁。可。二。句。鐘。乃。復。指。天。誓。曰。一。何。其。慙。且。尤。言。自。今。弗。涉。足。其。家。然。則。爾。之。顛。愚。可。云。下。下。第。一。節。汝。尤。不。能。不。往。一。存。此。念。卽。爲。無。禮。似。未。經。教。育。之。人。卽。爾。自。度。能。痛。絕。此。絕。代。之。佳。人。不。至。其。旁。而。祈。禱。汝。唯。有。愛。情。矧。且。年。少。卽。爲。情。而。癡。爲。情。而。哭。皆。世。界。中。應。有。之。眞。情。世。界。之。足。以。牽。引。人。心。者。獨。有。此。著。汝。試。思。世。有。老。人。爲。律。師。如。我。者。年。來。爲。人。敦。託。以。機。密。之。事。至。今。所。缺。憾。者。但。有。一。事。耳。巴。西。蘭。語。時。顏。色。頓。異。目。光。耿。耿。以。欲。露。其。隱。衷。且。視。斯。簪。爾。而。斯。簪。爾。亦。留。意。傾。聽。巴。西。蘭。之。言。手。中。則。微。拊。侯。夫。人。所。賜。玫。瑰。花。之。葉。巴。西。蘭。無。言。以。鞭。鞭。馬。馬。行。如。飛。復。曰。良。友。當。深。信。吾。言。當。常。至。彼。家。克。藜。方。有。大。不。愜。心。之。事。想。彼。對。爾。態。度。行。且。立。更。臆。汝。今。不。言。永。決。矣。是。爾。之。悟。境。想。明。日。必。屢。言。往。彼。家。也。今。茲。至。矣。吾。有。要。事。不。能。至。當。與。吾。同。事。了。之。祝。爾。晚。餐。銳。進。過。此。所。遇。之。事。汝。但。視。爲。鮮。豔。之。玫。瑰。花。可。也。巴。西。蘭。旣。與。斐。立。引。手。爲。別。又。親。斯。簪。爾。之。腕。匆。匆。上。道。一。轉。卽。已。不。見。斐。立。太。息。卽。啓。小。門。俯。首。而。入。小。妹。亦。無。言。隨。後。而。進。此。屋。在。前。二。句。鐘。

出門時。尚希望無已也。

### 第七章

武柏杏室。爲貴族盛止之屋。至今尚存於法國。前此爲挨瑟太爾氏。名恩格項所營構。恩格項馳名於布伊仍中。時法王斐立倭瞿司得爲霍耶拖叛兵。推王下馬。恩格項以力救法王出險。其在沙六加安。王圍嫩西時。駐蹕其家。經亂時。此屋爲礮所毀。事在巴拉定那大屠殺之時。武柏杏之家。在魯意十五十六兩朝時。久圯不治。而革命之軍。見此故家傾頽。亦舍之不加焚燬。而柏孫桑之民。但有伐其樹而藉之。取其瑩石而用之。似此故家。有木石之礦。足資二十家營構之用。有一鐵匠。在彼屋頂。取其殘鉛。至三十萬啓羅之多。售諸國中。竟得巨資。家業以立。此時挨瑟太爾人。與亞徒亞伯爵。同赴兵間。乃不能護其斷柱。殘鉛不爲人所竄取。一身隨大軍戰於馬意翁。以死鑿撲。而家業所以不亡者。亦自有故。以守土之有司。未敢以此荒地爲叛產。而市之。且民好剽掠。卽有財者。亦防屋宇。構成適落殘人之手。故久久仍存挨瑟太

爾之名。在地海杜窪時代。挨瑟太爾族人受把夏保護。復歸法京。視其故地。蓬蒿沒人。然尙無他姓。入主是業。遂入堡中居之。修葺其窗戶。卽將其故地。更加營構。而墾藝。至海司多夏賞時代。復有盛名於巴黎間。出而任事。又至於舒伊挨時代。其女字於銀行東格洛東克之翰格洛東。一年得息。可二十萬佛郎。又新授男爵勳位。然挨瑟太爾人。尙狃故家積習。乃大興土木。成武柏杏廣居。一一皆復舊規。墉高作睥。睨形。樓峯爲塔。勢突出大樹之上。以十年之工。糜金錢無數。所有家具。巧麗入時。挨瑟太爾復得風氣之先。預構木器。刻鏤精工。大鏡之緣。亦雕鏤絕細。佐以中古名畫。且取忽郎拖所製之紙糊壁。此時武柏杏之家。似成博物之院。然在當時。人尙輕之。至是則無價矣。此高麗之宅。而又攢集寶玩。處之乃若帝居。挨瑟太爾逝後。留此遺產。授其孤兒。時有監督財政之人。日居其左右。四年之後。此宅乃賃之於人。得價可三分之二。遷其古玩美術之遺構。售於巴黎。於是穆利尼遂出購其產。此實業家。初意欲嫁女於公爵。遂定策往贖。備令宜已售之產。於都海爾。然公爵所售之產。已經無

數主人久乃落入薄羅窪售盜之大。賈雖穆利尼加以重價。一不爲動。備令宜故地。旣不能得。遂購武柏杏故宅。則大喜過望。以爲得計。且地近布利埃爲尤喜。以親姻之故。冀得與布利埃家聯絡。用釋前憾。陰謀旣定。竟奪克藜之婿。而又患布利埃家鄙棄。莫得往來。在義葛斯唐應娶其表妹。而自穆利尼觀之。直同兒戲。葛斯唐之於克藜。兩小無猜。不惟不解愛情。而亦無識。穆利尼謂定婚如是之早。則二少年中必無能守前約之人。憶少時曾與十三歲女郎定議。女爲木匠之兒。是時穆利尼爲藥中司事。定約後久。乃背約。女遂更嫁於屠人。一日偶與相遇。面膩而赤。肩羊皮而袖粗布。方把巨秤而稱猪排。穆利尼已發迹。營巨宅於廣衢中。旣爲商務裁判所判事。赫赫炎炎。胡能與屠婦有素。於是雲泥路隔。各自爲生。今布利埃姑娘與公爵不猶是。耶果二人合者。則貧困同之。若析而各偶。則爲益。正復難言。果公爵得耦。則布利埃姑娘所嫁亦不患非富貴中人。穆利尼亦欲多方助其成事。願穆利尼理解。直超羣理解之上者。則直有暢快之一念。其視公爵稱其婿。鄉財力旣雄。似更無他。



物足。梗其姻好。決策既定。務在必行。武柏杏之宅。宏敞無倫。穆利尼見之。尤喜。塔與鐘樓皆高。接霄漢。鐘聲鯨鏗。徐徐而發。聽之神怡。心中尤悅。得一靜室。壁上圖畫。皆舊時徽章。穆利尼在一雕鏤精雅之室。爲沙六加安皇帝所臨幸者。穆利尼曰。居此足矣。且臥處。卽皇帝下榻處。武柏杏家人謂此室爲帝居。乃不知爲瓦礫之場所。重構者卽家具亦一一出諸新購。以爲牆也。闔也。窗也。寢也。皆舊時皇帝之陳迹。卽以平民之身。臥於御榻之上。榻前陳御座。榻上加以繡幔。穆利尼恆曰。此樓上巨鐘。曾有沙六加安皇帝手澤存焉。然沙六加安皇帝在森於斯實忒時。敵人眼中知皇帝偉略。方百計圖陷。皇帝知之。乃僞爲鐘匠自隱。穆利尼不曉古事。以爲皇帝生平嗜此鐘也。阿得乃爾識見不如其父。視此屋如礮臺。似旣握礮機。則可以死其仇人。如蓋粉。見武柏杏最勝之地。以塔尖上聳。遠近皆見。去布利埃僅八法里之遙。旣據形勢。似能示得志之意氣。加彼刺骨之敵人。屋券旣簽。卽移家入居。明日卽以入偵布利埃家。知男爵夫人尙在克藜之側。而戰膽尙不之歎。且欲在男爵夫人之前。僂辱。

克藜時阿得乃爾居武柏杏家。已三日。三日中遊涉略盡。忽一日城中有電報至。言公爵垂及阿得乃爾父女心。滋弗懼。阿得乃爾防公爵掣己之肘。轉爲克藜之家。後此欲痛辱克藜。必爲公爵梗阻。阿得乃爾則豫出其奸謀。不令公爵知之。公爵卽於是日二句鐘至。阿得乃爾遂珍惜復仇之時。光不肯走。失穆利尼方掀翻此電。徘徊於門外。而阿得乃爾已盛服出。蘊其奸毒之心。言曰。吾父。吾今日必至布利埃家。穆利尼曰。胡不待公爵之臨與之同往。或得接禮。卽可因公爵爲介紹。交彼世伐。阿得乃爾曰。茲大不然。克藜之與我何須介紹。且克藜尤必疑駭。何必不親白其事。且公爵婚於我家。視其舊聘之妻乃大不便。吾今日先往。庶免公爵到時。轉形跼蹐。且事局既定。則百凡皆順遂矣。吾翁當知今日之行。或不至待我涼薄。穆利尼聞言。納手衣囊中。抗言曰。誰敢薄我。自我爲裁判所判事。到處逢迎。如我家人之媚我。吾乃爲此每年所得六萬鎊之利息。家人見困耶。果如是者。殊堪笑人。吾今令御者出其華美之軍。御者亦令盛服。阿得乃爾曰。勿爾。但以常車往。勿事華美。吾家愈富者。狀當

愈樸過華。恐人譏爲驟富。惟樸可以鎮俗。穆利尼曰。吾以爲御者衣短袴。著絲鞵。爲  
 狀佳耳。今如爾之意。且知上等社會人之習尚。聽爾自爲。吾赴馬圈中。令其駕常車。  
 五分鐘後。父女乃同車行。二駿馬馳滂亞伯村中路。塵土高飛。時斐立歸後。怏怏無  
 聊。灰其攀高之念。而男爵乃不令斐立獨居。本有魯意十六之遺風。乃醉心於機器。  
 斐立至布利埃之第二日。男爵已至。脫衣出腕。不能不令斐立獻以尋常之衣。且留  
 飯於其家。若是者。果不送男爵歸者。在禮不可。於是不能不復。至前日沈鬱。至二句  
 鐘。舊所失意之地。克藜之待斐立。一如前日。漠然如無人。顧雖如是。驕狷而斐立亦  
 大怒。故與糾纏。以觸其嗔。侯爵夫人溫醇不見喜愠。第一次已重斐立。終始不逾其  
 志嚮。故延接斐立。禮意殊渥。男爵夫人亦欲研究斐立性質。初見時。以爲純然一鐵  
 匠耳。故示以儻蕩。不以爲意。已見斐立和悌。有風趣。不假外飾。知中心清穩。一如其  
 外貌。不期亦生其禮重之心。侯爵視斯簪爾爲柔媚之佳人。時時與之蹴英國球。並  
 及他戲。此兩事。凡持重者恒屏而不弄。方穆利尼及其女至布利埃時。而男爵夫人。

及男爵與倭其打斯警爾正同打木毯。毯場在園門之次。草場之上。場在園之中心。侯爵夫人及克藜則靜居室中。自牕戶中但聞木球之聲。有時奏技工。則歡呼之聲。吹入夫人耳際。斐立巴西蘭立爲監史。方爭執時。則以尺量其長短。正評量謂男爵與斯警爾勝也。忽聞鱗鱗車聲。停於門外。毯場中人均坐廢。忘其所業。闖者叩鐘。家中人知有客至此。一分鐘中似飛鳥爲人所驚。爭入室中。卽有侍者將名紙上侯爵夫人。夫人以單眼之鏡讀其名紙曰。穆利尼先生及女公子。聽者無聲。似預知有無窮之重事發生於俄頃者。男爵夫人以手相撲曰。此舉母乃太過。侯夫人曰。此人之來何爲。乃無人見答。巴西蘭曰。侯夫人或穆氏父女新居在此。在禮宜拜鄰人。夫人乃弗知俗尙如是耶。以布利埃別墅在此。旣爲望族。且亦故侯。不能不至。穆利尼尤言其女曾識女公子。或且今日之來。卽復爲此。此下走解釋穆氏父女至此之故。男爵夫人曰。嬌氏或不允穆氏之僮。與吾家親稔。此僮何足爲吾家之友。其人塵容俗狀。使人弗耐。至於其女。尤陰險毒螫。防不勝防。此驟富之家。乃欲攀高而驚遠。欲以

財力炫耀故家。吾思嬌氏必不之允。男爵曰：嬌氏必有權衡，似無容後輩進策。侯爵夫人搖首不言，似不以男爵夫人之語爲然。以生平好善而容人，不欲絕物，已甚。卽迴首視其女克藜，不言不笑，似在無人之境。侯夫人曰：克藜，汝意云何？克藜曰：母氏吾意萬不能以力峻拒其人。今處之必有道。若云外出謝客，則客固已見之矣。若云拒而不見，則人以禮來，我以不禮往，寧故家所爲。我意必不能如是之酷烈。今禮當見一晤之後，交情立斷。老母以爲如何？侯夫人曰：吾女言然。倭其打汝出告侍者，請客入坐。已而穆利尼父女已至大客座之上。此時人人各有所懷。阿得乃爾初入是間，心亦下上，乃謬爲親稔，引手抱克藜之頸，如面知交。口中言曰：至美之克藜，吾喜極與君相見。克藜平日固靈警至此，亦失措不能更覓一語以酬答。阿得乃爾卽鞠躬與侯夫人爲禮，言曰：婢子能親女公子於願已足。婢子自識女公子以來，心思摹仿其人語時，向克藜作笑，且曰：天下女中安有模範之佳如克藜者？克藜鎮定言曰：汝乃模範我耶？母乃搗謙。男爵夫人微語克藜曰：此爲汝第一次遭逢矣。阿得乃

爾一見男爵夫人狂喜如獲異寶然亦無敢冒險而挽頸蓋阿得乃爾曾經夫人手創者數不敢更受斯辱此時乃無人敢料阿得乃爾不至於取辱立墮其積久之謀顧阿得乃爾但圖引手引時手劍鏘然竟以無爲之歡欣力敵男爵夫人之冷態一似中心大悅男爵夫人之幸得相見者方男爵夫人嫁時不曾延其相禮則僞呼男爵夫人未嫁之稱夫人不得已介紹見其夫阿得乃爾卽覓得祝辭向男爵曰先生何幸得此玉人阿得乃爾在嚴敵中竟安詳如無事似久戰之宿將精於陣法者以膽力絕巨之身使羣敵默不敢動卽其父見之亦愕然服其女之大方並能使堂中皆服其警敏卽克藜及素斐亦爽然自失夫以阿得乃爾於二年之間變易如是之速而風貌亦佳惟軀幹稍侏似已豐肥時露嬾態實亦非嬾風致頗能動人髮黑而目作淺藍手加瑞士之皮套至於袖間袖爪附臂衣短而足露爲狀殊笨不脫寒人之態若以精心觀之固有傖氣惟乍觀則爲其容光所奪穆利尼靜默無聲心贊其女品概絕高似天生爲公爵之命婦喜極忽生傷感之心若亡妻生時獲見其女之

倜儻出羣。一洗寒野之狀。則喜當如何。不期淚落如綆。卽出巨巾。掩淚拭涕。厥聲甚巨。女卽引目視之。示以旣入上等社會之中。凡事皆須加以節制。於是穆利尼與侯夫人爲禮。以手捧冠加於胸際。卽指男爵夫人曰。布利埃及公子。及此夫人。與下走之女。同在學堂共業。下走大喜。能厠息女於彼間。爲巴黎特出之學校。少年人所受學業。爲時第一。而交遊復廣。侯夫人微笑引目視穆利尼曰。老身亦覺之意頗不屑。穆利尼初不之覺。阿得乃爾已知夫人之輕已。穆利尼復曰。下走乃至感夫人恩意。許下走至此爲禮。第下走之來。初非無故。以是間購得一地。侯爵夫人目視巴西蘭。巴西蘭亦隱示夫人以曾語及者。夫人點頭。以巴西蘭之前語者爲當。穆利尼見夫人無語。復曰。下走買得重要之地。其地爲武柏杏遺構。下走初不謂然。惟息女欲之。下走固知其意。謂如下走之財產。宜得勝地以居。侯爵夫人須見信。天下泛論事理。則固平等。若論交際。下走實重貴族。穆利尼卽以手自彈其胸。似十八世紀以上人之舉。動復回顧座人而僞笑。座人皆愕。夫以穆利尼如是僞氣。阿得乃爾不能自堪。

太息歸座。侯爵夫人卽乘此時機表示以世家之態度及貴胄之威儀。亦不欲穆利尼覺之。尤不忍加以諷辭。卽語穆利尼曰：先生所示乃落落大方。先生地望所至宜有是語。穆利尼不知夫人詞語之工。則大喜過望。思侯夫人大度容人。遂欲傾其胸中所蘊。掬以奉白。曰：果夫人性情能與鄙人融匯者。則可以忝附過從之末。男爵夫人大怒。卽引斐立之手至牖下。私謂斐立曰：此僞真怪物哉。穆利尼亦微覺。然亦不計。仍大放厥詞曰：武柏杏地產殊曠。樓臺重疊。夫人能知彼家之世系乎。鄙人卽居沙六加安皇帝之樓居。且高臥御榻之上。復自謙曰：鄙人殊不敢以是自足。阿得乃爾見此數分鐘中已事皆爲其父所敗。乃不能自制。卽起立以怒目視其父。作啞聲言曰：老父請侯爵夫人領吾父觀樓前空曠之處。彼間風物佳也。於是先向臨階之門。侯爵夫人亦起引道。室中人皆出。克藜行緩。似預知有不幸之徵兆。見諸目前。正一舉步而阿得乃爾乃迴身就己。克藜少退。彼此驚愕。目中似欲發語。而阿得乃爾亦似有語。卽曰：吾二人且暫入。是間少絃。何如。克藜亦爽然如有所失。卽曰：爾欲有



言見告乎於是知不幸之事迫矣乃矯爲鎮定以自制挺其腰背斂其神宇以待大敵之來阿得乃爾曰汝乃不知我有無窮之喜悅至汝之旁自爾我分袂二年我所思者無限卽所見者亦無限今稍有閱歷乃一變其性情前此稍有間隙之故人今茲一無所恨克藜攢眉不屑但曰然而句語尙未盡而阿得乃爾卽曰勿爾勿爾吾前此殊不愛君且妬不敢奉欺以身受教育之故然中夜焦心甚願與君接稍躋朋友之列克藜愀然曰何爲見推吾何物足以媿汝實相告汝過我遠矣汝試思貌美而辭工交際之能華美之享汝皆有之矣阿得乃爾曰有之固如爾言所欠者名耳克藜曰何名之足貴當此之時可以資財易之高下列等均可審擇而得設君願爲貴族但貢爾之身卽足如君之願阿得乃爾怒極厥聲欲顛仍力制之曰誠然吾近日方議婚事克藜曰佳哉不能不爲伸賀阿得乃爾曰賀固宜然此外尙乞一物克藜愕然曰何也阿得乃爾曰乞爾首肯克藜曰何爲至此阿得乃爾曰乞爲我定其所擇之人克藜曰君過愛矣奈何問他人以家庭之事令人蹶踏無已且爾我交情

之。淺。卽。不。得。我。之。贊。成。亦。何。憂。之。有。阿。得。乃。爾。曰。此。事。不。能。不。白。克。藜。曰。然。則。我。所。不。解。阿。得。乃。爾。曰。請。聽。吾。言。吾。所。訂。之。姻。事。爲。最。大。之。事。此。人。身。分。去。吾。甚。高。爲。吾。意。料。所。莫。及。以。我。當。之。似。行。加。冕。之。禮。克。藜。曰。然。則。皇。帝。矣。阿。得。乃。爾。曰。否。公。爵。也。果。能。諧。者。我。卽。爲。公。爵。之。夫。人。克。藜。聞。言。心。顫。似。眼。中。之。霧。立。時。掀。揭。而。出。卽。知。已。所。親。暱。之。人。平。日。之。隱。而。不。言。者。卽。爲。是。事。乃。決。然。知。此。公。爵。卽。爲。葛。斯。唐。夫。以。葛。斯。唐。久。久。無。書。當。卽。爲。此。此。時。寸。心。如。搗。血。奔。於。心。顏。色。頓。異。卽。微。微。太。息。阿。得。乃。爾。見。狀。大。悅。乃。靜。數。克。藜。太。陽。穴。上。之。筋。掣。乃。無。數。覺。十。五。分。鐘。所。受。克。藜。之。嘲。刺。一。刻。中。立。復。其。仇。旣。見。克。藜。立。如。木。人。防。其。走。避。且。尙。有。無。窮。慘。毒。之。語。未。發。諸。吻。卽。曰。君。乃。不。問。吾。未。婚。之。夫。姓。名。乎。克。藜。目。昏。耳。鳴。卽。曰。可。以。不。問。清。明。之。躬。竟。爲。苦。慮。所。亂。阿。得。乃。爾。曰。此。爲。我。之。職。分。必。以。語。君。此。時。阿。得。乃。爾。似。覩。克。藜。之。要。害。中。以。死。法。乃。徐。言。曰。此。卽。備。令。宜。之。公。爵。克。藜。之。癡。立。亦。正。待。此。言。知。公。爵。之。負。已。確。矣。夫。以。備。令。宜。公。爵。本。爲。已。物。今。乃。發。諸。阿。得。乃。爾。之。吻。令。人。慘。不。忍。聞。卽。挺。立。

亦不發聲知聲音已變口乾手顫失望至於無極阿得乃爾曰備令宜爲爾親串且從少長成人言爾二人固已議婚今當知吾今日之來特爲商略非有他故克藜聞言雖知僞爲大度然似有一縷之幸延努力自支勿示以怯卽曰商略者又何事阿得乃爾曰但聞爾與公爵二人係屬如何設爾二人果相許者則必怪我無情而奪君之壻然公爵求婚時我固未甚愛也且我甫見是人或事彼或不事彼亦悠悠行路之人耳今但問爾爾果愛其人乎果愛其人者吾卽立與斷絕讀吾書者當知克藜果出其誠穎或阿得乃爾勉出以高情古義因克藜之纏綿舊誼慨然辭謝或可言也顧阿得乃爾所言克藜如不之聞但聞公爵求婚之一語已大怒自念寧死甘也萬不能自承與公爵有愛卽力制其悲幻爲常態乾笑言曰敬謝深情汝當知我之爲人非能被放棄者果公爵有定婚之約則萬不能更娶他人當時與彼中表兩小無猜但兩家父母一笑之間婚事亦可立定此特游戲之事迨長則理想立臻此事自爾消滅於無形爾今謂公爵求婚爾當立許設二人不相配耦卽人世不祥之

事。汝。二。人。才。貌。適。符。門。伐。亦。稱。阿。得。乃。爾。聞。言。神。色。沮。喪。一。瞬。之。間。所。受。之。苦。立。時。遣。復。乃。互。相。獠。笑。而。止。蓋。此。二。人。之。競。爭。乃。出。以。溫。文。令。人。莫。測。似。以。金。針。互。刺。其。入。人。膚。革。利。乃。如。刀。又。如。磨。扇。而。爭。較。之。力。批。人。頰。爲。更。酷。蓋。婦。人。之。爭。敗。固。難。堪。卽。旣。勝。之。難。堪。亦。猶。敗。者。於。是。阿。得。乃。爾。曰。然。則。吾。之。姻。事。乃。不。怩。君。心。乎。似。於。克。藜。已。破。之。創。口。彈。以。毒。藥。復。曰。如。是。者。倖。福。乃。無。限。又。能。爲。君。親。戚。列。爲。平。等。儼。然。明。婚。正。娶。爲。公。爵。之。夫。人。克。藜。曰。此。爲。爾。應。享。之。福。語。時。至。不。屑。阿。得。乃。爾。曰。爾。當。受。我。親。吻。於。是。狂。奔。而。前。似。欲。齧。斷。其。頸。者。克。藜。木。然。聽。之。阿。得。乃。爾。復。注。視。克。藜。曰。汝。當。知。吾。爲。至。篤。之。良。友。克。藜。尙。有。力。應。之。曰。汝。於。此。時。方。表。明。其。心。於。是。頹。然。坐。於。溫。榻。之。上。此。時。男。爵。夫。人。見。二。人。不。出。因。疑。阿。得。乃。爾。必。有。詐。謀。乃。入。視。二。人。見。克。藜。失。容。而。阿。得。乃。爾。笑。悅。形。於。顏。色。歷。歷。知。此。時。情。狀。矣。卽。曰。爾。二。人。尙。枯。坐。於。此。耶。卽。伏。問。克。藜。曰。何。爲。克。藜。不。答。以。目。視。其。敵。人。阿。得。乃。爾。方。自。理。其。手。套。似。決。鬪。之。家。方。刺。死。敵。人。於。場。上。者。克。藜。悲。梗。之。概。又。似。求。助。於。男。爵。夫。人。者。夫。人。大。

怒耳赤如火。因至阿得乃爾之前。以手指門曰。出乎阿得乃爾。僞爲無覺。卽曰。吾亦將出尋我慈父。卽迴面克藜曰。行再相見。語後仍從容不迫。徐徐而出。似在萬衆中。得勝而歸。

第八章

阿得乃爾既出。克藜躍起至男爵夫人之前。怒容遂不能遏。卽曰。汝知彼將別娶乎。胡爲不再相聞。男爵夫人無言。克藜曰。吾今爲人棄置矣。以指自握。顏色喪敗。且曰。唯汝不吾告。此言乃出之彼口。汝任彼作自由之行動。汝實與之同黨。然則家中人。乃無一人愛我耶。卽彼亦爲財之故。棄其聘妻。無恥已極。男爵夫人爲克藜所斥。則大駭無措。而克藜者。性質剛勅。平日伏而不發。今爲人激發。遂生躁烈。其始與阿得乃爾處談時。力加裁抑。至此又中悔。不加以醜詞動以搭擊。於是跳叫如下等之婦人。戀夫而咆哮。又等不檢之婦人。拊胸頓足。備諸醜態。蓋胸有宿癥。似能以生死權力加人者。腦中又似現一刑獄之場。加仇人以三木。少須知。希望已絕。且又不能復。

仇。於是淚。泚。筋。掣。以。首。枕。男。爵。夫。人。之。臂。言。曰。吾。奈。何。不。幸。至。此。夫。人。大。悲。力。抱。克。藜。如。慈。母。之。詔。愛。女。力。解。其。憂。克。藜。仍。哭。不。已。此。時。似。阿。得。乃。爾。所。遺。之。毒。於。創。破。之。處。以。酸。淚。盡。滌。而。去。復。追。悔。露。其。暴。戾。之。性。情。欲。力。制。之。顧。有。好。高。之。性。亦。能。出。以。權。力。制。其。宿。愆。侯。爵。夫。人。初。聞。穆。利。尼。言。心。已。大。憂。及。歸。視。其。女。已。成。淚。人。然。尙。有。支。持。之。力。侯。爵。夫。人。既。不。悅。穆。氏。之。言。又。以。疾。步。登。階。氣。咻。咻。然。不。能。自。止。及。見。克。藜。顏。色。慘。白。夫。人。欲。出。言。以。慰。撫。之。顧。乃。莫。得。卽。抱。克。藜。而。言。曰。傷。哉。吾。兒。克。藜。淚。湧。如。泉。言。曰。母。知。之。耶。侯。爵。夫。人。曰。彼。父。已。一。一。語。我。卽。以。手。指。天。曰。天。乎。唯。汝。不。以。無。禮。見。待。乃。延。之。室。中。克。藜。悲。曰。兒。亦。大。愚。其。始。宜。絕。去。此。人。蓋。早。已。了。了。於。其。人。之。居。心。矣。吾。輩。固。開。罪。其。人。仇。終。思。復。故。乘。其。機。倪。與。我。爲。難。曩。其。同。學。之。人。中。其。要。害。陷。其。運。命。今。茲。受。人。廢。置。終。身。不。忘。且。今。茲。見。棄。尙。有。何。人。加。憐。於。我。侯。爵。夫。人。曰。獨。無。人。耶。凡。人。有。目。有。耳。能。聞。見。者。舍。汝。其。將。尋。誰。吾。兒。聽。之。此。遭。變。故。過。不。在。汝。而。在。公。爵。汝。果。相。壻。者。或。在。貴。伐。之。中。或。在。社。會。之。上。自。有。其。人。以。汝。絕。

世風姿安能無增。前此六月。固有貴伐論婚。吾已婉謝而去。受拒者咸怏怏無歡。吾思其中心。必不至於遽冷。克藜悵然曰。備令宜公爵外。吾更嫁夫者。非其人高出公爵之上。或爲吾所愜心之人。萬難自解於人類。嗟夫。吾母此安可至。且吾愴烈之躬。被此慘酷。獨有屬身於教堂而已。侯爵夫人曰。吾兒誤矣。汝若如是。奈老母何。且汝年穉。胡自廢如是之決。且爾聰明而美艷。上天自有酬庸之地。汝當知此間有人。汝果伸手者。其人且跪而承之。克藜擗眉謂母曰。諦學白黎乎。母曰。吾言是人。特引以爲證而已。世間何人近汝之前。乃有不加憐愛者。且汝欲至巴黎。或與拍爾桑夫婦同至瑞士乎。唯爾之從。克藜曰。吾恆思舍人而高隱。觸物輒生其恨。恨不卽死爲佳。母曰。死者無可解圍之事也。天下女人果爲聘夫所棄。而卽求死。則世界中將墟而無人。今茲世界中無一非負心者。非棄諸未聘之前。卽臬諸成婚之後。方夫人歡息痛恨之時。如有靈符。竟召至天下最負心之蕩子。此時有怒馬疾馳之聲。馬沫四噴。已至庭墀。闖然下馬。擲轡於侍者。飛馳入室。此時男爵及巴西蘭同時疾進。止公爵

於迴廊之上。公爵色變。欲疾入。卽曰穆利尼先生及其女公子在是乎。男爵曰。尙在彼間。公爵曰。吾姑安在。今當趣見。尙防其遲。男爵知公爵急遽之故。卽曰。晚矣。穆氏父女已言之歷歷矣。公爵太息。卽坐於榻上。以目視男爵及巴西蘭言曰。吾將何術。是蓋吾愆。巴西蘭曰。此愆無可蓋。以鄙人思之。但有不見夫人爲上著。公爵疾言曰。此爲吾所不願之事。不欲令吾姑申申而訾。當自陳吾行之劣。且言受辱如是。初非宿心。吾姑欲何言者。吾唯命是聽。且欲與吾姑恣情一哭。公爵語後。以慘容視二人。此二人見之。亦頗爲動色。巴西蘭曰。男爵留此伴公爵。吾入請侯爵夫人取進止。巴西蘭留二人於外。自入室中。時斐立斯警爾及穆氏父女尙閒語於草場之間。日脚漸低。天作蔚藍之色。山谷之中。靜氣與暮色同來。滂亞柏教堂中。鐘聲已淒然而動。似示人以明日爲死人讖悔者。阿得乃爾覺前此狠毒之心。得全勝於仇敵。後此當加以忠厚也。巴西蘭入時。見室中三婦人。悲慘之容。令人不可摹仿而狀。克藜已見公爵至門。乃口不能言。啞啞而嚶笑。似狂易將發。侯爵夫人及男爵夫人皆大驚。卽



進抱之。克藜身顛。唇吻皆動。二夫人力防其暈。則大呼之。克藜亦強自支厲。切齒言曰。勿呼。吾稍輾轉。復吾故矣。言後。歸座。額汗湧出。男爵夫人進而拭之。侯爵夫人下其領巾。並取毡加克藜之身。時克藜顛不可止。狀如冒寒。首低其胸。似視毡上之玫瑰。花苟非二目。猶瞠者。人將以爲睡矣。克藜顰眉沈沈而思。已而血湧其頰。嚶然一呻。肺氣之窒者立時豁。蘇忽推去所蓋之毡。適巴西蘭入。克藜力支其悲容。與巴西蘭微笑。巴西蘭躡步如履病人之榻。卽鞠躬對侯爵夫人。若不敢遽白所言。卽曰。乞夫人恕我。今茲稟白者。爲絕奇之事。夫人曰。知之。公爵至乎。今將如何。巴西蘭曰。下走至。再攀挽公爵。必欲進。謁侯爵夫人。疾起曰。此人膽乃絕巨。卽起欲出。克藜曰。吾母焉。往侯爵夫人曰。吾塵侍者。逐去其人。克藜無言。乃不能得其剛斷。已乃搖首言曰。母氏。勿爾且致之入。侯爵夫人曰。入耶。乃不知其女用意之所在。女曰。尙須以善氣迎之。女終不示以見棄。而生其感容。似此人格。乃至使我悲憤。則彼愈增得意。我百凡皆空。獨不能受彼人之憐惜。吾母趣迎之入。此門旣不爲彼未婚妻而闖。卽可

爲停妻再娶者。而開夫人躊躇曰。汝將如何。克藜曰。吾將復仇。卽謂巴西蘭曰。請爾延公爵至草場之上。待吾發聲。汝乃入此。卽令同時呼諦。學白藜入此門。中男爵夫人及侯爵夫人。彼此愕視。獨巴西蘭知之。健步如飛而去。已而斐立入矣。克藜謂男爵夫人曰。素斐同吾母出。吾與諦學白藜。獨對兩夫人。果出心乃大疑。用待二人。言論斐立知命運。泰否卽決。此一秒鐘之間。時巴西蘭已一一語之。卽至美人之前。垂首而立。克藜曰。先生此爲第一次。與斐立言者。克藜曰。吾老友巴西蘭曾與吾母言。先生至降心求婚於我。斐立不敢答。但鞠躬爲認可之狀。女曰。吾視爾至誠懇。乃爲此種思想。似已知公爵之負我。斐立曰。然女公子當信我於此時。能挽迴公爵之心者。當不惜性命以之。女曰。謝君惠愛。吾於公爵恩情已斷絕。不可更續。今能與爾確實之證據。果爾無變夙心者。吾決以吾手奉屬。語後。克藜聲微。斐立聽不了了。然已臆度而得。於是憶其妹云。異時必美人求婚於己者。今斯簪爾所料者。厥功大成。以其愛兄之心。故生此佳兆。此時既非夢中果見。克藜伸其玉手待已。斐立大喜。卽雙

執其手。覺前此所不能冀者。至是已償矣。乃於冰冷葱尖之末。微微親之。以口克藜曰。吾尚欲君表其態度。似此婚約。已訂於數日以前者。吾亦不辨其所以然。但以吾好高之故。不能不爾。唯爾於吾心之中。初無希望。但他日吾能爲爾端正守禮之妻。今茲且行行亦勿遠。吾尚有須爾之處。於是磨斐立出。卽以手招巴西蘭入。巴西蘭防公爵鬱怒。則虛與委蛇久之。及見斐立得意而出。始引公爵入門。穆利尼父女見公爵突來。則大駭。謂當此之時。公爵一至。將大敗其謀。阿得乃爾尤極憂煩。防敗於俄頃。且葛斯唐一見克藜。將作何狀。亦成何結局。果否感情已傷。茲今再見。初無釵合之時。或一見動其故情。再行信誓。獨不可耶。穆利尼心固遲疑。乃不如其女之沉深。但謂公爵胡以不俟於武柏香。而突至布利埃。穆利尼卽至公爵之前。方欲引手。公爵怒之以目立止。公爵經行過父女之前。亦不與阿得乃爾爲禮。而穆利尼不舍。亦隨公爵入室。俄頃之間。侯爵夫人及男爵夫人。咸矯爲鎮定。以待公爵引手。克藜間於兩夫人之間。背日光而坐。不令愁容爲公爵所見。公爵猝見克藜。黃金之髮心。

乃大動。幾欲奔跪。其前雖受奇辱。亦無所恤。乃侯爵夫人怒之。以目公爵。立止。卽至侯爵夫人之前。鞠躬言曰。夫人。吾姑兒心亂矣。且抱憾無已。兒至武柏杏在此。先生家中始知有不近人情之舉。動穆利尼曰。公爵。公爵迴首視穆利尼曰。此事至謬。吾敢明白宣布。非同謀者。吾寧昧良辜。恩萬不敢爲此暴厲之行。爲以取罪於戚。晚此蓋萬萬所不屑者。穆利尼曰。親戚往來。寧有罪耶。吾殊不解。公爵曰。此尙不解乎。亦特用此爲支吾耳。穆利尼者亦頗好高。然亦萬不能受辱如此。卽鞠躬曰。吾婿。吾果有罪者。請爾忠告。卽自滌其污。公爵一聞呼婿。卽大怒止之曰。先生止矣。於是引目視克藜。克藜端坐無動。公爵曰。姑氏能否容我自釋。又曰。克藜果不見恕。吾亦弗出此門。此數語出。克藜知與已。酬對。卽徐起曰。公爵。此無可解釋。且不必待人赦。罪人有告我者。謂爾與此君之女結姻。卽抗聲曰。汝前此非如我之自由耶。區區贅於人家。又何待釋。公爵聞言。疑其爲夢。徧視諸人。不憂不怒。一如常態。其始以爲衆皆掩淚。此時人人咸有笑容。計一年以來。克藜之心。乃冰冷至此。耶克藜曰。爾未婚之妻。

前。來。告。我。此。真。爾。無。窮。之。倖。福。於。是。稍。出。以。手。招。斐。立。阿。得。乃。爾。見。狀。卽。隨。斐。立。入。室。時。布。利。埃。人。咸。聚。於。此。堂。克。藜。面。公。爵。復。面。斐。立。曰。吾。爲。爾。二。人。介。紹。因。指。公。爵。曰。此。爲。備。令。宜。公。爵。爲。我。中。表。復。視。公。爵。曰。公。爵。此。爲。諦。學。白。黎。先。生。爲。我。未。婚。之。夫。此。時。若。有。震。雷。破。屋。者。室。中。人。之。振。動。亦。不。如。是。之。甚。公。爵。身。悠。悠。不。能。自。持。阿。得。乃。爾。顏。色。亦。立。時。灰。敗。男。爵。夫。人。相。視。愕。然。唯。巴。西。蘭。及。斯。簪。爾。兀。立。不。動。巴。西。蘭。者。平。日。經。營。遂。成。此。果。而。斯。簪。爾。者。深。信。其。兄。以。爲。必。得。賢。助。故。均。不。爲。動。公。爵。此。時。忽。復。其。外。交。家。之。態。度。以。笑。鑿。向。斐。立。又。矯。爲。和。平。之。聲。言。曰。先。生。當。受。吾。祝。先。生。竟。能。娶。此。賢。媛。爲。吾。輩。中。所。不。能。匹。耦。之。人。阿。得。乃。爾。爲。克。藜。所。激。然。亦。思。以。禮。自。鎮。卽。進。賀。克。藜。然。但。作。乾。笑。曰。此。實。愛。情。中。之。姻。事。克。藜。忽。大。怒。自。念。平。日。所。愛。之。人。卓。立。吾。前。且。與。深。仇。宿。怨。同。時。把。臂。而。去。忽。見。公。爵。遠。立。與。阿。得。乃。爾。且。笑。且。言。似。自。矜。其。倖。福。克。藜。知。命。定。矣。徒。以。好。高。之。念。堅。不。服。人。遂。倉。卒。許。身。於。弗。愛。之。人。而。心。之。所。愛。者。仍。戀。戀。無。一。日。之。釋。復。以。愁。眼。視。公。爵。思。欲。中。斷。阿。得。乃。爾。之。

愛。情。掏。心。以。示。既。又。見。公。爵。似。無。意。於。己。則。又。大。怒。遂。堅。忍。不。出。亦。不。示。人。以。見。棄。之。狀。遂。盡。拋。其。倖。福。爲。一。日。意。氣。之。爭。乃。以。得。意。之。目。兼。盼。二。人。自。云。吾。當。於。彼。二。人。婚。期。之。前。成。禮。矣。

### 第九章

此。時。婚。禮。之。備。乃。至。速。似。滂。亞。伯。布。利。埃。二。家。咸。爲。克。黎。忙。碌。者。斐。立。趨。至。柏。海。家。中。取。其。證。書。爲。身。家。清。白。之。券。俟。其。打。同。時。亦。至。巴。黎。於。是。電。文。往。反。趨。治。嫁。裝。俟。爵。夫。人。累。年。以。來。恆。安。居。不。事。事。至。此。勞。乃。特。甚。又。以。公。爵。之。事。志。志。於。心。不。得。已。遂。從。愛。女。之。請。定。其。約。然。心。中。至。信。巴。西。蘭。述。斐。立。之。品。行。尤。服。斐。立。無。趨。炎。慕。勢。之。心。不。以。冷。煖。易。操。心。中。已。信。斐。立。爲。佳。婿。唯。私。怪。克。黎。胡。以。不。再。少。須。自。貴。族。中。相。婿。既。而。又。念。子。弟。有。財。有。爵。胡。能。與。破。產。之。貧。女。爲。婚。因。思。不。幸。之。中。能。得。斐。立。青。眼。亦。頗。爲。家。門。之。福。克。黎。此。時。亦。矯。爲。靜。謐。之。狀。僞。示。得。意。以。安。母。懷。唯。男。爵。夫。入。心。知。克。黎。之。弗。釋。但。覺。長。日。居。室。外。已。懨。懨。內。尤。怏。怏。偃。臥。溫。榻。之。上。眼。波。垂。澗。

眉。蹙。不。開。在。彼。腦。中。日。轉。轆。此。雜。婚。之。事。似。無。窮。希。望。一。旦。崩。摧。因。欲。探。索。生。平。何。過。遭。此。慘。酷。端。倪。皆。本。諸。敵。我。者。之。復。仇。益。以。薄。倖。之。耶。故。敗。裂。至。此。此。時。視。人。間。生。活。有。類。戰。場。在。戰。場。中。須。以。防。人。之。心。爲。甲。冑。以。如。天。之。膽。爲。武。器。方。能。勝。彼。敵。人。於。是。發。誓。凡。百。困。難。一。無。所。悔。但。欲。報。仇。於。是。心。思。大。沸。遂。生。兇。心。顧。平。日。溫。和。而。容。物。此。時。蕩。滌。無。餘。但。顧。復。仇。空。諸。所。有。置。之。罔。聞。但。求。狗。其。暴。厲。之。意。氣。似。寸。心。爲。憤。火。所。煽。而。乾。外。貌。遂。如。冰。冷。之。石。象。亦。知。後。此。無。所。希。望。遂。自。立。一。導。綫。循。是。而。行。不。復。歧。出。而。趨。他。道。其。視。斐。立。尤。藐。不。注。意。卽。斐。立。以。宏。厚。之。心。相。處。而。女。心。一。不。之。恤。但。謂。斐。立。之。謬。爲。殷。勤。欲。得。之。爲。妻。而。已。又。思。斐。立。商。人。耳。何。由。不。欲。得。吾。富。並。欲。求。繫。援。於。貴。冑。且。斐。立。肯。俯。從。己。意。心。尤。菲。薄。其。行。爲。以。爲。喪。其。品。節。故。雖。以。斐。立。之。宏。量。轉。以。爲。卑。鄙。謂。無。丈。夫。氣。概。可。呼。叱。而。東。西。之。然。夙。心。亦。固。欲。得。此。種。人。品。爲。其。夫。俾。後。此。導。以。升。階。庶。幾。足。彌。其。生。初。之。凡。陋。且。今。日。事。局。卽。暴。富。之。人。人。亦。不。以。爲。鄙。至。男。爵。夫。人。者。見。克。藜。如。是。鎮。靜。待。此。婚。期。想。如。是。因。緣。決。

非克藜所樂。奈何忽改常度至此。則欲力求其秘而探討之。時時詢問克藜。以雅諱出之。克藜初尙支厲。究不能掩其苦衷。不期流露諸外。悉爲男爵夫人所得。克藜蓋謂得洩其胸中之憤鬱。意氣微微爲舒。男爵夫人於是盡知其苦。旣服其勇且悲。其遇男爵夫人嫁已三年。於夫婦倫頗已領略。知克藜委身平民。關係有無窮之重。欲使克藜自定其生平立足之地。乃克藜之意。則謂吾生無故受磨折於人。今亦欲人受己之磨折。雖斐立諸人無罪也。然亦無恤矣。克藜自謂天下事之不公者。已相承爲例。初無足駭。遂亦不恤名義。但以意氣爲孤行。在克藜意旨。尤謂人類者爲人。驅使之物。人類皆爲棋子。爲己驅駕。用博其勝而已。其欲報阿得乃爾之仇。及侮辱公爵。卽爲己生平快心之事。此外一無所顧惜。其第一受其磨折者。卽爲斐立。斐立初意尙謂克藜已亂之心。思從茲復靜。已失之倖。福從茲復得。故不譚降心以從而男爵夫人欲進諫。克藜勿爲己甚。而克藜則不辨公道也。非公道也。二者并而爲之。則純爲恣行一己之意。氣旣而又思。克藜方見欺於人。故怒不可遏。後此或積漸而變。



其。初。心。且。語。克。藜。曰。爾。欲。以。威。力。遏。抑。人。類。勢。滋。非。易。彼。妻。立。固。欲。攀。高。得。其。榮。名。汝。卽。降。等。亦。不。必。爲。辱。况。斐。立。助。爾。而。遏。其。仇。敵。亦。不。爲。無。功。汝。旣。以。身。酬。之。爲。事。亦。美。然。後。來。之。局。將。何。以。度。此。韶。光。果。他。日。行。至。其。前。張。兩。臂。而。語。愛。情。而。汝。凜。若。天。神。之。莊。嚴。則。斐。立。將。何。以。自。聊。且。汝。之。輕。斐。立。以。爲。出。諸。奢。望。然。能。不。謂。之。愛。情。耶。夫。婚。姻。中。亦。固。重。奩。資。然。尤。有。不。重。奩。資。而。重。人。者。又。安。知。斐。立。人。格。卽。不。在。此。種。之。內。克。藜。夷。然。爲。不。屑。之。容。男。爵。夫。人。復。又。婉。導。之。曰。天。下。之。事。婦。女。不。必。卽。有。大。力。而。大。力。實。出。之。男。子。果。斐。立。不。如。汝。意。者。其。收。果。當。如。何。且。夫。婦。一。倫。非。屬。俄。頃。之。聯。絡。關。係。實。出。終。身。今。使。有。人。助。我。行。事。吾。旣。伸。指。未。使。之。親。吻。一。親。吻。卽。爲。爾。夫。終。身。萬。無。解。散。之。日。大。凡。行。事。須。度。之。事。先。一。經。成。禮。則。萬。萬。不。得。翻。身。非。同。劇。場。中。夫。妻。數。分。鐘。中。卽。彼。此。離。析。事。後。使。人。知。其。歧。誤。弄。成。笑。柄。何。若。事。先。預。籌。免。人。口。實。凡。諸。勸。導。克。藜。一。不。之。動。蓋。百。險。皆。冒。百。苦。皆。嘗。必。決。行。無。復。更。易。也。克。藜。之。意。必。欲。示。輕。棄。公。爵。之。意。故。欲。於。公。爵。婚。禮。之。前。行。之。時。婚。期。已。定。復。自。悔。不。

應示男爵夫人以心緒。遂別籌計畫。不令夫人更進梗言。乃屏去一切煩憂。僞爲笑容。常爲斐立弗安。謂此人運蹇。乃得此驕忤之妻。恣其強暴之性。殊可憐也。男爵夫人頗以爲然。計爲時稍久。夫妻好合。則克藜之氣將立平。又念女子一經出嫁。強厲之性將立化爲柔順。況夫婿非愚。心愛其妻。必無勃谿之事。果再生一子者。則百事皆安。卽爲牝虎。亦且化爲母羊。凡諸理解。男爵夫人頗爲靖。夫人心思活潑。然以克藜之故。頗爲凝重。至於竟日。至此疑既釋。復反其活潑之性情。時斐立適自旅行歸。並攜成婚之戒指。中嵌暗紅之寶石。其旁密環以小鑽。斐立手顫。且鞠躬向克藜。請受此戒指。克藜睨而不屑。但伸素手授之。初無致謝之辭。此戒指本爲二人婚證。而克藜則恨之次骨。明日斐立見克藜不加此戒指。顧懾不敢言。然目注克藜皓腕。而克藜已知。卽曰。汝當恕我。我平生不加是物。此語一發。斐立略安。初以爲此戒指既不之受。則後此凡爲己物。皆屏勿御也。斐立尤知女之心緒。方與公爵違言時。己身亦處其內。知克藜之嫁己者。爲見薄於人。故借己以伸其氣。唯心愛至於極地。似

自信能挽回克藜怒已之心。使之膠附。於是無時無地咸施以愛情。計此婦人無弗動之理。想克藜初失其希望。固屬抑抑無歡。唯年剛二十。胡能幽閉此心。不令人窺。且冷如冰雪。無向陽之一日。況世界中無數之聲響。及晉接之往來。安能無聞無見。斐立愛之既篤。謂己心如此。或能隱動克藜之心。彼克藜者。自以爲心死。不知非死也。閉也。死者固不能生而閉者。或有時而開。果使此心偶然而動者。非動諸拔其昏迷之人。而誰動耶。斐立後此若能救醒其靈魂。卽可以斐立之靈魂。迸入克藜靈魂之中。迨克藜醒後。知必以前此已失之愛情。與今日新得之愛情。兩兩互較。必且審其輕重。伸謝斐立。重爲夫婦如初。此皆斐立在數句鐘中。作後來之想象。而口中則未嘗輕洩一言。蓋斐立自少力圖艱苦之事。初不省社會中之交際。一見婦人。膽力卽喪。且見克藜。尤股弁不已。果克藜瞠目一視其人。手足立爲失措。斐立每自家中。至布利埃道中。輒與其妹言家事。並言心愛未婚之妻。而斯簪爾則張目不瞬。聽此五光十色之言。知其兄如溫習課藝。以質證於克藜。且斐立每有所言。必得其妹一

諾。斯簪爾曰。此非對若妹而言。阿兄當與彼言也。兄當知凡有所言。妹必同心。唯布利埃女公子。句斐立曰。吾今日至。將盡吐所懷。迨至時。一見克藜。百凡皆懾。卽向前道寒暄。亦訥訥不敢出口。自恨不能。敗克藜之心。如觀儲寶之器。不知中之所藏者。果何物也。時爲十一月初旬。寒威已深。布利埃家人咸聚客廳之上。斐立乘此時會。頗有所言。願所言。乃不敢涉於愛情。每至切己之事。則唇顫而舌禱。語及學問。得男爵爲之輔掖。始敢傾吐其生平之實學。克藜依母而坐。身搖搖然如不之聞。手中刺繡。兩目光長注針綫。未曾涉及。斐立時毬房門開。斯簪爾方與侯爵打毬。歡笑之聲陣陣隨風入戶。似此二人在此間。大有生氣。一見如故。又兩小無猜也。若阿得乃爾者。見克藜。不悲知己。謀無用。遂及其父與公爵同歸巴黎。穆利尼亦至。辭行。侯爵夫人待之有加禮。克藜力求其母以欣歡之狀。將迎此富翁。似甚愛其姪。後來之岳氏者。侯爵夫人亦徇其女之請。矯若演劇。於是穆利尼及公爵亦宣布成婚之故。知不足。以傷克藜之心。公爵者。尤自駭以彌天之罪。乃不見惡於絕婚之妻。阿得乃爾亦


深服克藜之雅量。初欲以力勝人。既乃爲人所勝。則思以他法更復其仇。婚禮之行。始定於武柏杏。今乃變計行諸巴黎。亦知其父所交之富人。必不能遠涉至此。致賀亦料公爵所延之貴族。亦決不能至。防其失敗。乃舍而去。憶待克藜成婚時。來與婚禮。遂別而赴巴黎。其去也。克藜大悅。似天氣亦去污而成淨容。采亦爲少。舒斐立已。以工匠修飾其所居。乘克藜悅懌之時。請夫人賁臨其家相宅。夫人如約。明日有巨車載布利埃家人。至於滂亞柏。既入門。有廣場樹金梧之樹。中有巨沼。四周列塹。皆果樹。克藜視之頗悅。家有園林。石路光明。且修。景物嚴靜。屋宇寬廣而蕭寥。克藜謂此屋乃稱其心境。屋既陰沉。四周皆樹。似爲巨墓。而克藜大悅。以爲稱己所懷。男爵夫人先至客堂。周巡一過。見斐立之父所儲古玩。心悅無已。器物爲魯意十四時所製。而男爵夫人尤加贊賞。當此之時。人嗜古物。男爵夫人往往至拍賣之場。歷歷道古物之價值。凡恩海第三時之舊制。男爵夫人尤能道其詳。至瓷器爲沙克遜中所製者。言之尤有考据。男爵夫人往來蹀躞。大似未老之鸚哥。跳躍不已。侯爵夫人

聞男爵夫人評古發言如流水耳爲之震驚不了。唯波爾石得知男爵夫人所好。蓋平日所兢兢致慎。加以保衛者。聞男爵夫人稱賞。則大悅。斯簪爾及倭其打並不入室。但往來花徑。忽入廚。次取麪包之皮投之深池。俾游魚吞噬。立可半句鐘。觀此游魚有一二巨鯉力噲。一巨片之麪包立逝。男爵見廠在其中。心神飛越。卽遵小道入機器房之間。方男爵夫人談古時。斐立卽引侯爵夫人縱觀其室。克藜徐徐獨出園。次遙遙聞廠中巨椎擊鐵盤聲。而煙笛中濃煙如人噓氣衝天而起。園中岑寂而廠中喧騰。兩兩不同。克藜爲之爽然稱異。園中連理之樹。結爲穹門。克藜微步其間。心思飛越。不知所屆。園旣荒涼。克藜自喟。與已命途良合。後來卽永闕於此。中樹根枯枝自林中墜落。踐之作響。克藜則謂此枯枝之離樹。蓋如心願之墜落。於是縱目四觀。似園中景物皆嚴冷無生意。遂行過幽徑之中。愈行愈覺悲涼。心中轉以爲悅。於路轉處。自林間外望野色。四合林木陰翳。大類巨軸之圖。猝展於壁間。克藜心爲之動。蓋中心之慘。正如園中之蕭瑟。方徘徊間。忽見野景。又似蓬蓬有生氣。然則克


藜之。心。思。亦。能。於。蕭。瑟。中。得。生。氣。否。忽。爾。大。怒。拂。怒。過。反。再。入。陰。森。之。途。徑。力。謝。快。樂。之。途。復。歸。靜。肅。時。男。爵。夫。人。及。侯。爵。夫。人。與。斐。立。久。不。見。克。藜。則。出。而。覓。之。徐。見。克。藜。自。仄。徑。行。來。態。度。鎮。定。貌。爲。笑。容。然。淚。光。尙。在。其。眼。知。其。中。心。不。曾。自。寧。也。男。爵。亦。歸。斯。簪。爾。及。倭。其。打。則。同。划。一。船。蕩。於。池。中。久。之。於。是。大。衆。同。歸。布。利。埃。飲。膳。時。去。婚。禮。僅。八。日。克。藜。則。以。復。仇。之。心。斐。立。則。純。出。於。愛。情。於。是。爭。盼。佳。期。之。至。迨。婚。期。愈。近。而。女。心。愈。躁。烈。衆。皆。謂。女。心。急。欲。成。禮。防。有。中。梗。之。時。時。嫁。裝。續。續。自。鐵。道。運。至。郵。政。既。爲。之。忙。電。鈴。亦。日。震。無。已。府。中。舍。人。平。日。無。事。至。此。手。足。忙。亂。人。人。如。癩。及。延。客。之。時。克。藜。忽。出。一。議。衆。皆。愕。然。謂。婚。禮。必。以。夜。中。十。二。點。在。小。禮。拜。堂。中。舍。家。人。外。不。延。一。客。侯。爵。夫。人。聞。言。舉。手。向。天。男。爵。夫。人。則。爽。然。歸。座。十。分。鐘。中。噤。不。能。言。倭。其。打。疑。其。姊。狂。病。斐。立。則。懾。不。敢。言。克。藜。並。不。言。其。所。以。然。繼。親。戚。所。言。一。如。不。聞。堅。持。到。底。夫。夜。中。成。禮。在。忽。不。爾。中。恆。見。之。然。實。怪。特。不。可。爲。訓。黑。夜。誦。經。原。不。祥。事。克。藜。若。自。承。爲。公。爵。之。孀。婦。惟。黑。夜。成。婚。事。尙。可。爲。唯。不。延。一。客。爲。

故家所不能至。克藜此舉。蓋羞嫁其夫耳。衆頗以爲非祥。此意出之男爵夫人。然亦不能動克藜。斐立忽曰。所有女公子命令。吾一一以爲然。初無不祥之疑慮。斐立既不之沮。反對者悉無效力。男爵夫人新自巴黎得一善衣。將於禮日衣以炫衆。不得已笑曰。此種婚禮。大類黎園演罪人行娶之禮。似未抵斷頭臺之先。與其所愛者成婚也。在禮。簽字在成婚之第一夕。巴西蘭卽在兩家之間。省擇其一。則另聘同業者爲助。巴西蘭讀文時。僞張克藜之奩資。以愚克藜。然克藜雖聞之。亦不知己產之傾敗。見巴西蘭執筆付克藜簽字。克藜如言簽時。乃不知一半卽爲斐立之產。斐立見婚書簽後。心中滋悅。成禮時。知事問克藜曰。汝願嫁諦學白黎斐立否。女抗聲曰。願之。斐立心始大定。





告 廣 局 書 華 中



品 戲 遊 育 教

本局所製下  
列各品花樣  
新奇極饒興  
趣能於游戲  
之中輸以種  
種知識與舊  
時陸官圖狀  
元籌用意大  
不相同茲將  
種類列下

計	童	障	學	中	世	植	跑	中	世	學	陸
每組百總一角半	子	礎	生	國	界	馬	國	界	生	軍	戰
每張八分	每張四分	每張四分	每張四分	每張一角五分	每張二角	每張四分	每張一角	每張一角	每張八分	每組二角五分	
數	軍	賽	功	代	大	物	打	旅	旅	升	學
		跑	過	命	同		靶	行	行	學	棋
		圖	圖	圖	圖	圖	圖	圖	圖	圖	圖

44

2

449/27



BC  
46.57